


亨

宋季忠義錄



姦臣董宋臣 丁大全

右見徐宗仁傳

袁玠

沈翥

張鎮

吳衍翁

應弼

石正剛

王士愛

高鏞

十忠義錄卷四

四明萬斯同季野輯

男世標子建校



高稼

高稼字南叔邛州蒲江人真德秀一見以國士期之嘉定

七年進士調成都尉轉九隴丞丁內艱免喪辟潼川府路

都鈐轄司幹辦公事制置使崔與之聞其名改辟本司幹

辦公事稼持論不阿憂世甚切及鄭損為制置使即求去

朝廷以稼贊聞有勞未幾改知綿谷縣制置使司以總領所

擅十一州會子之利請盡廢之此蓋紹興隆興之間得旨

為之者令下民疑為之罷市稼亟出私錢以給中下戶稼

弟定子時為總領所主管文字相與徵其誤而力救之得存其半公私僅濟歲大飢有司置弗聞稼損橐中棧市粟以食之全活甚衆損之入蜀也稼同產弟了翁誦言于朝謂必敗事損銜之遂劾稼罷寶慶三年兵至武階損棄沔而遁桂如淵鎮蜀辟通判沔州尋檄兼幕賊稼首言蜀以三關為門戶五州為藩籬自前帥棄五州民無固志一旦敵至又有因糧之利或遂留不去今亟當申理俾緩急有所保聚如淵然之乃瓶山峇八十有四且募義兵五千人與民約曰敵至則官軍守原堡民丁保山峇義兵為遊擊庶其前靡所掠後弗容久北兵由東道以入如淵憂之

辟稼知洋州稼日夜為守禦計以洋居平地無一卒以守議移金州帥司軍千人駐洋州而自任其餉給李心傳為言諸朝不報及鳳州破制置使司始從稼請調金州兵赴之而兵不時至漢中陷梁洋之民數十萬盡趨安康稼乃移屯黃金渡收散卒招忠義以制置司之命致故將陳昱於安康委以收復之任是部分諸軍召青崖華陽諸關守將皆以兵來會凡得三千人稼竭洋之帑廩贍之以州事付通判而自假節制軍馬督諸將繼進沔州破北兵迫大安益昌大震稼亟命趨沔自至西縣援之如淵以便宜命稼利路提刑司兼權興元府制置使司檄其守米倉稼移書曰

今日之事如奕棋。所校者先後爾。苟以分水三泉米倉為  
可保。敵兵若自宕昌清州以入。將孰禦之。盍以興沔利三  
戎戎司分駐鳳州。保制司已招之。忠義關表復讐之。豪傑聯  
司以進。兵氣奪矣。如淵。遂疑不決。逮天水。同慶被屠。西和  
圍益急。始會軍民之衆萬人。援之道梗。不得前。而城已破  
矣。俄報告。策七方之師。皆潰。稼率遺民駐廉水縣。召集保  
甲。分布間道。以保巴山。當是時。文臣之在軍中者。惟稼一  
人。如淵既罷。李代之以。稼久勞。請改界內郡。差知榮州。  
殿中侍御史汪剛中。如淵黨也。欲使稼分其罪。乃謂蜀之  
敗。寔由稼。遂罷之。又削二官。李心傳見上。訟稼無罪。不當

罷。宣撫使黃伯固辟稼知閬州。未幾。伯固去官。制置使趙

彥呐以議參議官辟之。制置司近漢中。稼言漢中蕩無藩籬。

宜經理。仙人原以為緩急視師之地。彥呐以委稼。稼至原。

繕營壘。峙糧芻糧。比器甲。開泉源。守禦之規。罔不備具。會召

還。彥呐密奏留稼。以直秘閣知沔州。利州提點。刑獄兼參

議官。始至。告于神曰。郡當兵難之後。生聚撫摩。所當盡力。

去之日。誓垂橐以入。劔門乃葺理。創殘招集。流散民皆襁

負來歸。北兵入西和。薄階州。稼贊彥呐登原督戰。知天水

軍曹友聞等兵大戰。進稼三官。為朝請大夫。兼關外四州

安撫司公事。措置西路屯田。稼嘗代彥呐論蜀事利害上

嘉覽之北兵自鳳州入東軍不能禦遂擣河池池至西池谷

距沔九十里吏民率逃議欲退保大安稼白彥呐曰今日

之事有進無退能進據險地以身捍蜀敵有後顧必不深

入若倉皇召兵退守內地敵長驅而前蜀事去矣彥呐曰

吾志也已而竟行留稼守沔北兵自白水關入六股株距

沔六十里沔無城依山為阻稼升高鼓譟盛旗鼓為疑兵

彥呐至置口輟帳前總管和彥威以軍還沔召小將楊俊

何璘悉以兵會又調總管王宣精兵千人益之璘軍無紀

律稼捕其縱火者三人誅之未幾北兵大至璘遁其衆皆

潰遂下沔州先是友聞成七方知沔不可守勸稼移保山

砦而自將所部助之稼曰七方要地不可棄吾郡將也城

亦不可棄即事不濟有死而已先二日子斯復侍以時危

任重為憂稼舉田承君五日不汗之言語之且曰吾得死

所何憾又以書告李心傳曰稼必堅守沔無沔則無蜀矣

自謂此卒可以無負知己及事迫議楊約勸稼姑保大

安稼厲聲曰我以監司守城郭爾以幕客往來應援各行

其志常平司屬官馮元章率吏士力請稼少避稼不為動

城既陷衆擁稼出戶稼叱之不能止兵騎四集團之遂死

焉詔進稼七官為正議大夫龍圖閣直學士謚曰忠後以

子斯得執政累贈太師稼為人慷慨有大志聞人有善稱

宋史作斯得

之不容口、不善、面折無所避、推轂士常恐不及、視財如糞土、死之日、聞者莫不於邑流涕、所著有縮齋類藁三十卷、斯得自有傳。

旁寫

曹友聞弟萬

曹友聞字允叔、同慶栗亭人、武惠王彬十二世孫也、少有大志、與仲弟友諒不遠千里、尋師取友、登寶定慶二年進士、授繇竹尉、改辟天水軍教授、城已被圍、友聞單騎夜入、與守臣張維糾民厲戰、兵退、制置使製大旗、書滿身、膽以旌之、已而兵復至、友聞罄家財、招集忠義、得健士五千人、制置使李臺檄管忠義領所部守仙人關、且行且戰、至峽口、

據險、前軍統制屈信率所部突陳、還所掠四州人畜、至秦填遣左軍統制杜午迎擊、力不能敵、友聞令諸軍乘高據險、身冒矢石、為士卒先、信與統制張安國領兵出戰、兵退、制置使檄捍七方關、北兵東破武休關、已而破七方、遂入沔州、金牛、至大安、又分兵自嘉陵江木皮口突出、何進軍後、進戰、敗死之、遂長驅入劔門、友聞與弟萬各率所部取

間道、過氈帽山、至青高壩、戰于白水江中流、兵退、制置司

檄駐闡州、叛將魯珍為陳隆之所斬、珍部曲肆焚劫、友聞

討斬其將郭虎、蘭、廣、楊、仲等、餘黨散去、檄知天水軍、北兵入鳳州、略河池、抵同慶、友聞密遣統制五王漢臣、統領張祥

授以方略出戰兵至城下友聞部分諸將各守一門偃旗  
伏鼓戒士卒俟漸近鳴鼓張旗矢石並發又命漢臣等取  
間道出戰自提重兵尾敵後大戰有功端平初友聞遣萬  
與忠義總管時當可分兵碎石頭青嵩谷前後大戰數合  
制置使上其功特授丞務郎權發遣天水軍北兵又自西  
和至階州友聞曰階雖非吾境豈可坐視而不救遂引兵  
與諸軍會命前軍統制全貴領所部為先鋒統制夏用出  
其左張成出其右總管陳庚及萬友諒往來督戰有功制  
置使趙彥內俾節制利帥司軍馬任責措置邊面換武翼  
大夫閤門宣贊舍人權差權利州駐劄御前諸軍都統制駐  
劄石門控扼七方關明年北兵破武休關入沔陽利路提  
刑高稼死之制置使進屯青野原被圍友聞曰青野為蜀  
咽喉不可緩遣萬領兵自冷水口度嘉陵江至六股株屢  
戰有功夜銜枚由間道直趨青野原制置使奇萬之勇令  
督諸軍戰守兵退友聞引精兵亦趨至原下夜半截戰圍  
遂得解特授武德大夫左驍騎大將軍依舊利州駐劄御  
前諸軍統制北兵破沔州擣大安友聞遣推鋒軍統制王  
資踏白軍統制白再興速趨雞冠隘左軍統制王進據陽  
平關友聞登溪嶺手執五方旗指麾甫畢兵數萬突至陽  
平關遂遣進及遊奕部將王剛出戰又親帥帳兵及背嵬



軍突出陳前左右馳射兵退友聞謂忠義總管陳庚及苟  
可曰敵也旋兵攻雞冠隘宜急援之既而果以步騎萬餘  
攻隘庚以騎兵五百直前決戰當可將步兵左右翼並進  
王資白再與又自隘出戰喋血十餘里兵乃解去特授友  
聞眉州防禦使依舊驍騎衛大將軍利州駐劄御前諸軍  
統制兼沔州駐劄兼管關外四州安撫撫權知沔州節制本  
府屯戍軍馬弟萬差知同慶府四川制置司前總管仍  
舊總管忠義軍馬節制屯戍軍馬董仙駐劄專與沔利兩  
司同共任責措置邊面明年友聞引兵扼仙人關謀間北  
兵合西夏女真回回吐蕃渤海軍五十餘萬大至友聞語  
萬曰國家安危在此一舉衆寡不敵豈容浪戰惟當乘高  
據險出奇伏以待之北兵先攻武休關敗都統李顯忠軍  
遂入興元欲衝大安制置使趙彥呐檄友聞控制大安以  
保蜀口友聞馳書彥呐曰沔陽蜀之險要吾重兵在此敵  
有後顧之憂必不能越沔陽而入蜀又有曹萬王宣首尾  
應援可保必捷大安地勢平曠無險可守正敵騎所長步  
兵所短况衆寡不敵豈可於平地控禦彥呐不以為然一  
日持小紅牌來速者七友聞激為以寡擊衆非乘夜出奇  
內外夾擊不可乃遣萬友諒引兵上雞冠隘多張旗幟示  
敵堅守友聞選精銳萬人夜渡江密往流溪設伏約曰敵

至內以鳴鼓舉火為應外呼殺聲北兵果至萬兵逆戰敵  
將八都魯擁萬餘眾達海帥千人往來搏戰矢石如雨萬  
身被數創令諸軍舉送友聞遣選鋒軍統制楊大全逆夾  
軍統制馮大用引本部出東萊園擊敵後隊勇敢軍總管  
夏用知西河州神勁軍總管趙興帥所部出水嶺擊敵中  
隊知天水軍安邊軍總管呂嗣德陳庚率所部出龍泉頭  
擊敵前隊友聞親帥精兵三千人疾馳至隘下先遣保捷  
軍統領劉虎帥敢死士五百人衝前軍前軍不動大兵伏  
三百騎道旁虎眾<sup>衝</sup>枚突戰會大風雨諸將請曰雨不止  
淖<sup>淖</sup>綿淨深沒足宜俟少霽友聞斥曰敵知我伏兵在此緩必  
失机遂擁兵齊進友聞入虎尾頭萬聞之五鼓出隘口與  
友聞會內外兩軍皆殊死戰血流二十里西軍素以綿裘  
代鐵甲經雨濡濕不利步<sup>關</sup>黎明大兵益增迺以鐵騎四  
面圍繞友聞歎曰此殆天乎吾有死而已於是極口詬罵  
殺所乘馬以示必死血戰愈厲與弟萬俱死軍盡沒北兵  
遂長驅入蜀秦鞏人汪世顯素服友聞威望嘗以名馬遺

友聞還師過戰地歎曰蜀將軍真男兒漢也盛禮祭之事  
聞特贈龍圖閣學士大中大夫賜廟褒忠謚曰節官其二

子承務郎塔迪功即萬特贈武翼大夫二子成忠郎

化瑞年三十一歲以器置在十六族降有謀者以檄投曹友聞軍  
降友聞斬之六開其屍以祭  
陳寅死於蜀  
與本傳事蹟可參以

陳寅寶謨閣待制成之子。漕司兩貢進士。以父恩補官。歷官州縣。紹定初。知西和州。西和極邊重地。寅以書生。義不辭難。北兵入境。屬都統何進。出守大安。獨統制官王銳與忠義千人。城守而已。寅誓與其民共守此土。居民始以進留家城中。恃以為固。已而進徙它郡。遂無固志。寅獨留其三子。并闔門二十八口。曰。人各顧其家。將誰共守。廼散資財以結忠義。為死守之計。北兵十萬。攻城東南門。以降者為先驅。寅草檄文。喻之。自執旗鼓。激厲將士。迎敵力戰。矢石如雨。師退。詰旦增兵。復來。寅帥忠義民兵與敵死。士力戰。晝夜數十合。兵退。制置使以寅功。徧告列郡。北兵伐木。為攻具。增兵至數十萬。圍州城。進素與寅不協。寅有功。尤為諸將所忌。至是求援甚急。久之。制置司才遣劉銳及忠義人陳瑀等往救。率皆覘望不進。銳甫進。七方閔瑀未及仇池。皆以路梗告。寅率民兵晝夜苦戰。援兵不至。城遂陷。寅頹其妻杜氏曰。若速自為計。杜厲聲曰。安有生同君祿。死不共王事者。即登高堡。自飲藥。二子及婦俱死。毋傍。寅歛而焚之。乃朝服登戰樓。望闕焚香。號泣曰。臣始謀立此城。為蜀藩籬。城之不存。臣死分也。臣不負國。臣不負國。再拜伏。劔而死。賓客同死者二十有八人。一子後至。亦欲自裁。軍士抱持之曰。不可使忠<sub>臣</sub>後無與俱。城亦折足死。制置

司以聞詔特贈朝議大夫右文殿修撰賜錢三千緡即其所居鄉所守州立廟久之加贈華文閣待制謚哀節

賈子坤 賈純孝

賈子坤字伯厚潼川懷安軍人嘉定十三年進士為西和推官攝通判閔外被兵子坤與郡守陳寅誓死城守城陷子坤朝服與其家十二口死之追贈承議郎封其父崧承務郎官其子仲武宣教郎隆州簽判改奉議郎果州通判

卒仲武子昌忠純孝同登咸淳七年進士第純孝揚州教授受知帥李庭芝調知江淮總幕非兵下江南三王在福州以史館檢閱召詳會証相文天祥解左其幕尋授秘書丞擢吏部郎中丁母憂起復為右司轉朝散郎厚山帥敗純孝於安岳妻年同歸海死

劉銳知文州嘉熙元年北兵來攻銳與通判趙汝鄉乘城

固守率軍民七千餘人晝夜搏戰殺傷甚多拒守兩月餘援兵不至城中無水取汲于江會陳昱以去歲失守沔編置此州夜踰城出降獻女大將告以虛寔敵遂增兵攻城甚急一夕移江流於數里外銳度不免集其家人盡飲以藥皆死乃聚其屍及公私金帛告命焚之家素有禮法幼子同哥才六歲飲以藥猶再拜受之左右為之感慟汝鄉宣城人善射城破被執先斷其兩臂而後鬻殺之銳及其二子自刎死軍民死者數萬人

蹇彞 蹇惟、蹇永叔

蹇彞潼川通泉人嘉定二年進士累官通判金州端平三

年北兵攻蜀，翽堅守，戰不能敵，被擒，不以而死。其子永叔復力戰，城破，舉家死焉。弟維之，紹定五年進士，利州都統。王宣辟行參軍事，亦迎敵力戰而死。特官其子。

何充

何士麟 何駒行 何仲桂

何充，漢州德陽人，秘書監耕之孫。通判黎州，攝州事，預為備禦計。及宋能之至，建議急於邛峽，創大小兩關，倉及砦屋百間，親督程役。俄關破，充自刺不死。北帥呼之，語許

以不殺。充曰：吾三世食趙氏祿，為趙氏死，不憾。帥設帟幄，環坐諸將，而虛其賓席。呼充曰：汝能降，即坐此。充踞坐地，不死。遂罷。它日，又呼之，欲辯其法，髮而髡其頂，曰：可殺不

可髡。又使署招民榜。充曰：吾監州也，可聚吾民使殺之耶。即一家有死而已。榜必不可署。大將遺以酒茗羊牛肉，皆卻之。自是水飲絕不入口。敵知其不可強，將剽之。北大將曰：

此南家好漢也，使之即死，於是斬其首。充妻陳罵不絕口。初，充之見呼也，陳必以一家往。帥曰：不呼汝，何以來。陳曰：吾求死爾。及充死，東望再拜曰：臣夫婦雖死，可以對趙氏無愧矣。衆以石擊殺之。方充夫婦之嬰禍也，親戚勸其苟免。充正色曰：我夫婦與兒婦義同死，汝等自求生可也。於是上下感泣，願同死者四十餘人。男士麟、孫駒行、從子仲桂先充而死。惟長子士龍得免。





曦以蜀叛抗節不拜為陳大義曦怒子翊欲烹之曦誅而

免嘉熙元年制置使丁黼辟為參議官先遣其家歸鄉里

為文訣先墓誓以身死報國及北兵至帳前提率官成駒

先走黼倉卒迎敵敗死翊與司理王燦運司幹官李日宣

等募兵拒守兵入公署見翊朝服危坐問為何人曰小官

食天子之祿臨難不能救死有餘罪可速殺我又問何以

不走曰願與此城俱亡北兵相謂曰忠臣也戒勿殺敵縱

火大掠翊以朝服赴井死兵後其家出其屍井中衣冠儼

如也轉運副使蒲東卯死之兵屠漢州權州事劉當可判

官邵復錄事參軍羅由司戶參軍趙崇政知雒縣羅君文

皆不屈而死復雍六世孫也入蒼州知丹陵縣馮仲燁死

之取簡州簡守李大全死之邛守趙晨親率雅州牌手出

戰力盡而死文州守劉銳通判趙汝鄉相誓死守更迭出

戰城被圍旬有五日汲道絕兵民水不入口者半月至吃

妻子之血卒無叛志城垂陷汝鄉猶提雙刃入陣中十六

矢被執以死銳先殺其妻父子三人登文王臺自刎死師

至遂寧民兵趙朋拒戰左臂已斷而戰不休至重慶進士

胡天啟負母而逃兵欲殺其母天啟妻張哀號願以身代

不聽卒殺之天啟與其妻呼天大罵北將奇天啟貌欲活

之謂之曰汝從我當共富貴天啟愈奮罵於是夫婦同死



事聞。翊汝。鄴皆立廟。賜謚餘。褒恤有差。寶祐六年。北兵拔

吉平。盜守將楊

*（Faint bleed-through text from the reverse side of the page, including characters like '事聞' and '賜謚'）*

陳元桂。撫州人。淳祐四年進士。累官知臨江軍。時聞警報。築城備禦。以焦心勞思。致疾。開慶元年春。北兵至臨江。時制置使徐敏子在隆興。頓兵不進。元桂力疾登城。坐北門亭上。督戰。矢石如雨。力不能敵。吏卒勸之避去。不從。有以門節鼓翼。敵矢者。麾之使去。有欲抱而走者。元桂曰。死不可去。此左右走遁。師至。元桂瞠目叱罵。遂死之。縣其首於敵樓。越四日。方斂。体色如生。初。親戚有勸其移治者。元桂曰。子亦為浮議所搖耶。時事如此。與其死於飢饉。死于疾病。死於盜賊。孰若死于守土之為光。<sup>明</sup>俊偉哉。家人或請登舟。不許。且戒之曰。守臣家屬。豈可先動。以搖民心。敏子以聞。贈宝章閣待制。賜緡錢十萬。與一子京官。一子選人。息澤立廟。北門。謚曰正節。並見宋史。理宗本紀。景定元年。有誤。

張順張貴

張順。張貴。民兵部將也。襄陽受圍五年。宋闖知其西北。一水曰清泥河。源於均房。即其地。造輕舟百艘。以三舟聯為

事聞。翊汝鄴皆立廟。賜謚餘。褒恤有差。寶祐六年。北兵拔吉平隘。守將楊禮周德榮死之。拔長寧。守將王佐父子俱死。至閬州。推官趙廣死之。至蓬州。轉運使施擇善死之。至順慶。帥守段元鑑。城守麾下劉淵殺之以降。

段元鑑。楊禮並隆慶堡守將。蒙古兵來寇。屢戰却之。已而復來。堅守不下。竟以孤城乏援。没于王事。開慶元年四月。詔各贈奉國軍節度使。封二字侯。立廟。賜額。致仕。息外。更

官一子成忠郎

亭上督戰矢石如兩力不

門節鼓翼敵矢者麾之使去有欲抱而走者元桂曰死不

其錄按守史元字本已宣統三年十月段之鑑上隆慶堡戰功十二月隆慶  
部兵周崇初獲歸此鑑之鑑入臨解圍事覺就擒不屈而死六  
年十月以不降慶府楊禮守西安堡有功開慶二年四月以段之鑑  
楊禮堅守城壁致札王事以各段奉國軍守度使鈔本第九卷終此

可去此左右走遁師至元桂瞠目叱罵遂死之縣其首於敵樓越四日方斂体色如生初親戚有勸其移治者元桂曰子亦為浮議所搖耶時事如此與其死於飢饉死于疾病死於盜賊孰若死于守土之為先俊偉哉家人或請登舟不許且戒之曰守臣家屬豈可先動以搖民心敏子以聞贈室章閣待制賜緡錢十萬與一子京官一子選人息

澤立廟北門謚曰正節

並見宋史理宗本紀景定元年有誤

張順張貴

張順張貴民兵部將也襄陽受圍五年宋闖知其西北一水曰清泥河源於均房即其地造輕舟百艘以三舟聯為

一舫中一舟裝載左右舟則虛其底為掩覆之出重賞募死士得三千求將得順與張貴俗呼順曰矮張貴曰竹園張俱智勇素為諸將所服俾為都統出令曰此行有死而已汝輩或非本心宜亟去毋敗吾事人人感奮漢水方生發舟百艘稍進團山下越二日進高頭港口結方陣各船置火槍火炮熾炭巨斧勁弩夜漏下三刻起碇出江以紅燈為識貴先登順殿之乘風破浪徑犯重圍至磨洪灘以上北軍舟師布滿江面無隙可入眾銳乘凡斷鐵絙攢杙數百轉戰百二十里黎明抵襄城下城中久絕援聞救至踊躍氣百倍及收軍獨失順越數日有浮屍溯流而上被介

冑執弓矢直抵浮梁視之順也身中四槍六箭怒氣勃如生諸軍驚以為神結塚斂葬立廟祀之（合行）張貴既抵襄帥

呂文煥力留共守貴恃其驍勇欲還郢乃募二士能伏水中數日不食使持蠟書赴郢求援北兵增守益密水路連鎖數十里列撒星橋雖魚蝦不得渡二人遇橋即鋸斷之竟達郢還報許發兵五千駐龍尾洲以助夾擊刻日既定乃別文煥東下點視所部軍泊登舟帳前一人亡去乃有遇被捷者貴驚曰吾事泄矣亟行彼或未及知復不能銜枚隱迹乃舉砲鼓噪發舟乘夜順流斷絙破圍冒進眾皆辟易既出險地夜半天黑至小新城北兵邀擊以死拒戰

沿岸束荻列炬火光燭天如白晝至林灘漸近龍尾洲  
遙望軍舡旗幟紛披貴軍喜躍舉流星火示之軍船見火  
即前迎及勢近欲合則來舟皆北兵也蓋郢兵前二日以  
風水驚疑退屯三十里而火兵得逃卒之報據龍尾洲以  
逸待勞貴戰已困出於不意殺傷殆盡自被數十槍力不  
支見執卒不屈死之乃命降卒四人昇尸至襄合於城下  
曰矮張識乎此是也守陴者皆哭城中喪氣文煥斬四卒  
以貴附葬順塚立双庙祀之

范天順

范天順荆湖都統也襄陽受圍天順日夕守戰尤力及呂  
文煥出降天順仰天嘆曰生為宋臣死當為宋鬼即所守  
處縊死贈定江軍承宣使制曰賀蘭擁兵坐視睢陽之矢  
李陵失節重為隴士之羞今有人焉得其死所可無褒恤  
以示寵綏范天順功烈雖卑忠義莫奪自均房泛舟之役  
克濟為艱而襄樊坐甲之師益堅所守俄州刺史為降將  
軍爾乃不屈自經可謂見危致命封其妻宜人官其二子  
仍賜白金五百兩田五百畝

牛富 王福

牛富霍丘人制置使遊擊砦兵籍勇而知義為侍衛馬軍  
司統制戍襄陽五年移守樊城累戰不為衄且教射書襄

陽城中遺呂文煥相與固守為唇齒焉城凡六年不拔富  
力居多城破富率死士百人巷戰死傷不可計渴飲血水  
轉戰前遇民居燒絕街道自被重傷以頭觸柱赴火死贈  
靜江軍節度使謚忠烈賜廟建康裨將王福見富死歎曰  
將軍死國事吾豈宜獨生亦赴火死

邊居誼

亦作居義

邊居誼隨人也初事李庭芝積戰功至都統制咸淳十年  
以京湖制置帳前都統守新城居誼善御下得士心凡戰  
守之具治之皆有法大兵至沙陽守將王大用不降麾兵  
攻城破之執大用呂文煥意其小壘可不攻而破居誼率

舟師拒之文煥列沙陽所斬首招降不從明日縛大用至  
壁下使呼曰邊都統急降不然禍即至矣居誼不答又射  
榜檄入壁中居誼曰吾欲與呂參政語耳文煥聞之以為  
居誼降已也馳馬至伏弩亂發中文煥者三并中其馬馬  
仆幾鈎得之衆扶文煥以他馬奔走越二日總制黃順扶  
一人開東門走出降明日使順來招之居誼曰若欲得新

城邪吾誓以死守此何可得也順又呼其部曲

部曲

欲縋城出

居誼悉驅以入當門斬之文煥乃麾兵攻城以火具却之  
旋蟻附而上居誼乃取其家金盡散將士往來督戰會暮  
破浸漢樓火延燬民居居誼度力不支走還第拔劍自

殺不殊赴火死丞相伯顏壯其勇購得其屍燼中觀之事  
聞贈利州觀察使立廟所死

唐震 唐椿 馮驥 何新之 馮驥

卷之七 此列不傳 馮驥 馮驥

唐震字景實會稽人少居鄉介然不苟交有言其過者輒  
喜既登第為小官有權貴以牒荐之者震內牒篋中已而  
干政震取牒還之封題未啓其人大媿後為他官所至以  
公廉稱揚棟葉夢鼎居政府交荐其賢咸淳中由大理司  
直通判臨安府時潛說友尹京恃賈似道勢甚驕蹇政事  
一切無所顧讓會府有具獄將寘磔震力辨其非說友爭  
之不得上其事刑部卒是震訖六年江東大旱擢知信州

震奏減綱運米蠲其租賦令坊置一吏籍其戶勸富人分  
粟使坊吏主給之吏有勞者輒為具奏復其身吏感其誠  
事為盡力所活無筭州有民庸童牧牛童逸而牧舍火其  
父訟庸者殺其子投火中民不勝掠自誣服震視牘疑之  
益物色之得童傍即以詰其父對如初震出其子示之獄  
遂直擢浙西提刑通闕陞辭似道以類田屬震謝不能  
行至部又以疏力爭之趙氏有守阡僧甚暴橫震遣吏捕  
治似道以書營抹震不省卒按以法似道怒使侍御史陳  
堅劾去之咸淳十年起震知饒州時與國南康江州諸郡  
皆已歸附大兵略饒饒兵止千八百人震發州民城守昧

奕出治兵至夜中始寐上書求援不報大兵使人入饒取  
降款通判萬道同陰使于所部斂白金牛酒備降禮饒寓  
士皆從之道同夙震降震叱之曰我忍偷生負國耶城中  
少年感震言殺使者民有李希聖者謀出降械寘獄中明  
年二月兵大至都大提舉鄧益遁去震盡出府中金錢書  
官資揭于城募有能出戰者賞之衆懼不能戰北兵登陴  
衆遂潰震入府中玉芝堂其僕前請曰事急矣番江門兵  
未合亟出猶可免震罵曰城中民命皆係于我若從爾  
言得不死城中民死我何面目生耶左右不敢復言皆出  
有頃兵入執續鋪案上使震降震擲筆於地不屈遂死之

兄椿與家人俱死張世傑尋復饒州判官鄒宗節求震屍  
葬之贈華文閣待制謚忠介廟號褒忠官其二子震客馮

馮贛州之漢是下司公員斤之守閩之新壘皆戰死

密佑其先叅州人後渡淮居廬州佑為人剛質直累官  
至廬州駐劄御前遊擊中軍統領改權江西路副總管咸  
淳十年以閩門宣贊舍人為江西都統是冬大元丞相伯  
顏下鄂州留右丞阿里海牙守之而將大兵東下明年二  
月朱禩孫遣高世傑取鄂阿里海牙以兵逆擊執世傑荆  
江口兵盡潰半入江西江西制置黃萬石招集之且募寧

樊出治兵至夜中始寐上書求援不報大兵使人入饒取  
降款通判萬道同陰使于所部斂白金牛酒備降禮饒寓  
士皆從之道同夙震降震叱之曰我忍偷生負國耶城中  
少年感震言殺使者民有李希聖者謀出降械寘獄中明  
年二月兵火至都大提舉鄧益遁去震盡出府中金錢書  
官資揭于城募有能出戰者賞之衆懼不能戰北兵登陴  
衆遂潰震入府中玉芝堂其僕前請曰事急矣番江門兵  
未合亟出猶可免震罵曰城中民命皆係于我若從爾  
言得不死城中民死我何面目生耶左右不敢復言皆出  
有頃兵入執續鋪案上使震降震擲筆於地不屈遂死之

兄椿與家人俱死張世傑尋復饒州判官鄒宗節求震屍  
葬之贈華文閣待制謚忠介廟號褒忠官其二子震客馮  
驥何新之驥後守獨松關新之守閩之新壘皆戰死

密佑

密佑其先叅州人後渡淮居廬州佑為人剛毅質直累官  
至廬州駐劄御前遊擊中軍統領改權江西路副總管咸  
淳十年以閩門宣贊舍人為江西都統是冬大元丞相伯  
顏下鄂州留右丞阿里海牙守之而將大兵東下明年二  
月朱禛孫遠高世傑取鄂阿里海牙以兵逆擊執世傑荆  
江口兵盡潰半入江西江西制置黃萬石招集之且募寧



都廣昌南劍義兵千餘人盡以屬佑十一月大兵至隆興  
劉槃兵敗乃嬰城自守萬石時移治撫州將遁懼佑不從  
乃調佑兵援槃且戒以勿戰未至隆興槃已降都統夏驥  
率所部兵潰圍出已而元帥張榮實呂師夔提兵逼撫州  
佑率眾逆之進賢坪兵來呼曰降者乎聞者乎佑曰聞者  
也麾其兵突戰進至龍馬坪大兵圍之數重矢下如雨佑  
告其部曰今日死日也若力戰或有生理眾咸憤厲自辰  
戰至日昃佑面中矢拔之復戰又身被四矢三捨眾皆死  
僅餘數十人佑乃揮双刀斫圍南走前渡橋馬踏板斷遂  
被執眾見其勇戒勿殺與歸隆興元帥宋都解曰壯士也

欲降之繫之月餘終不屈嘗罵萬石為賣國小人使我志  
不得伸宋都解命劉槃呂師夔坐城樓引佑楼下以金符  
遺之許以官佑不受語侵槃師夔益不遜又令佑子說之  
曰父死子安之佑斥曰汝行乞于市第云密都統子誰不  
憐汝也怡然自解其衣請刑遂死觀者皆泣下

米立

米立淮人三世為將從陳奕守黃州奕降立潰圍出江西  
制置使黃萬署為帳前都統制大兵略江西立迎戰于江  
坊被執不降繫獄行省遣萬石諭之曰吾官銜一箇光牌  
寫不盡今亦降矣立曰侍郎國家大臣立一小卒爾何足

道但三世食趙氏祿趙亡何以生為立乃生擒之人與授拜者不同萬石再三說之不屈遂遇害

呂文信 張吳宗

呂文信文德之弟也仕至武功大夫汾江副司諮議官德祐初帥舟師次南康斛林夾白鹿磯與北兵遇戰死特贈定遠軍承宣使子師憲特與帶行間賊與兩子承信即息澤仍立廟賜額河湖塔巡檢張吳宗亦死之贈武翼郎賜緡錢三萬仍與一子承信即息澤

丁黼

丁黼成都制置使也嘉三年北兵自新井入詐監宋將

李顯忠之旗直趨成都黼以為潰卒以旗榜招之既審知其非領兵夜出城南迎戰至石筍街兵散黼力戰死之方

北兵未至黼先遣妻子南歸自誓死守至是從黼者惟幕

客楊大異及所信任數人大異死而復蘓黼帥蜀為政寬

大蜀人思之事平賜額立廟

去錦按宋史理字本化淳祐九年十月諫臣周坦言知建寧府楊棟任成都制置使時盡載激

此皆序珍寶先通流于黼竹死致全蜀中室屋炭以旒棟園職眾就任云傳中未載錄

宋季忠義錄卷四終

宋季忠義錄卷五

四明萬斯同李野輯

男世標子建校

汪立信

姜才

洪福

趙淮

趙孟錦

宋應龍

耿世安

趙卯葵

尹玉

陳炤姚訔

王安節

李成大潘大

陶居仁

趙良淳

徐道隆

黃介

吳楚材

趙希洎

趙時賞

蕭雷龍

鄒鳳

劉子俊

劉沐

孫稟

彭震龍

蕭燾夫

陳繼周

張抃

鞏信

蕭明哲

杜澣

林琦

蕭資

陳季

劉士昭  
王士敏

汪立信

江蘇

趙文義

汪立信，澈從孫也。立信曾大父智，從澈宣諭湖北道。六安愛其山水，因居焉。淳祐元年，立信獻策招安慶劇賊胡興、劉文亮等，借補承信郎。六年，登進士第。理宗見立信狀貌雄偉，顧侍臣曰：「此閩帥才也。」授烏江主簿。辟沿江制幕，知桐城縣。未上，辟荆湖制司幹辦、通判建康府。荆湖制置趙葵辟充策應使司，及本司參議官，葵去而馬光祖代之。立信是時猶在府也。鄂州圍解，賈似道既固上要功，惡閩外之臣與已分功，迺行打算法於諸路。

欲以軍興時支散官物為罪，擊去之。光祖與葵素有隙，且欲迎合似道，被旨即召吏稽勾簿書，卒不能得其疵。迺以開慶二年正月望夕，張燈宴，設錢三萬緡為葵放散官物，聞于朝。立信力爭之，謂不可。且曰：「方艱難時，趙公蒞事勤勞，而公以非理擯捨之。公一旦去，此後來者復效公所為，可乎？」光祖怒曰：「吾不才，不能為度外事，知奉朝命而已。君他日處此，勉為之。」立信曰：「使其不為，則已果為之，必不效公所為也。」光祖益怒，議不行。立信遂投劾去。初，立信通判江陵府，葵制置荆湖，嘗以公事劾立信。及在沿江府，亦謀議寡諧。立信於葵，葵未嘗有一

日之驩也。擢京西提舉常平。改知昭信軍。權淮東提刑。景定元年。差知池州。提舉江東常平。權知常州。浙西提點刑獄。明年冬。卽嘉興。治所講行荒政。尋改知江州。充沿江制置副使。節制蘄黃興國軍馬。提舉饒州南康兵甲。升江西安撫使。乞祠祿。差知鎮江。尋充湖南安撫使。知潭州。至官。供帳之物。悉置官庫。所積錢。連歲代納。潭民夏稅。貧無告者。予錢粟。病者加藥餌。雨雪旱潦。軍民皆有給。興學校。士習為變。以潭為湖湘重鎮。勅威敵軍。所募精銳數千人。後來者果賴其用。權兵部尚書。荆湖安撫制置。知江陵府。時襄陽被圍危急。立信上疏請益。

安陸府屯兵。凡邊戍皆不宜抽減。黃州守臣陳奕素蓄異志。朝廷宜防之。迺移書似道。謂今天下之勢。十去八九。而君臣宴安。不以為虞。夫天之不假易也。從古以然。此誠上下交修。以迓續天命之幾。重惜分陰。以趨事赴工之日也。而迺酣歌深宮。嘯傲湖山。玩歲愒日。緩急倒施。卿士師師非度。百姓鬱怨。非上以求當天心。俯遂民物。拱揖指揮。而折衝萬里者。不亦難乎。為今日之計者。其策有三。夫內郡何事乎多兵。宜盡出之江干。以實外禦。筭兵帳。見兵可七十餘萬人。老弱柔脆。十分汰二。為選兵五十餘萬人。而沿江之守。則不過七千里。若距百

里而屯屯有守將十屯為府。府有總督其尤要害處輒  
參倍其兵無事則泛舟長淮往來游徼有事則東西齊  
奮戰守並用刁斗相聞餽餉不絕互相應援以為聯絡  
之固選宗室親王忠良有幹用大臣立為統制分東西  
二府以滋任得其人率然之勢此上策也。又拘聘使無  
益於我徒使敵得以為辭請禮而歸之許輸歲幣以緩  
師期不二三年邊遽稍休藩垣稍固生兵日增可戰可  
守此中策也。二策果不得行則天敗我也。若衝壁輿觀  
之禮則請備以俟似道得書大怒抵之地詎曰瞎賊狂  
言敢爾蓋以立信目微眇云尋中以危法廢斥之咸淳

十年大元兵大舉伐宋似道督諸軍出次江上以立信  
為端明殿學士沿江制置使江淮招討使俾就建康府  
庫募兵以援江上諸郡立信受詔不辭即日上道以妻  
子託愛將金明執其手曰我不負國家爾亦必不負我  
遂行與似道遇蕪湖似道拊立信背哭曰不用公言以  
至于此立信曰平章平章瞎賊今日更說一句不得似  
道問立信何句曰今江南無一寸乾淨地某去尋一片  
趙家地上死第要死得分明爾既至則建康守兵悉潰  
而四面皆北軍立信知事不可成歎曰吾生為宋臣死  
為宋鬼終為國一死但徒死無益耳以此負國率所部

數千人。至高郵。欲控引淮漢。以為後圖。已而聞似道師  
潰蕪湖。江漢守臣皆望風降遁。立信歎曰。吾今日猶得  
死于宋土也。廼置酒召賓佐。與訣手為表。起居三宮。與  
從子書。屬以家事。夜分。起步庭中。慷慨悲歌。握拳撫案  
者三。以是失聲三日。扼吭而卒。以光祿大夫致仕。遺表  
聞。贈太傅。大元丞相伯顏入建康。金明以其家人免。或  
惡立信於伯顏。以其二策及其死告。且請戮其孥。伯顏  
歎息久之曰。宋有是人。有是言。我使果用。我安得至此。  
命求其家。厚恤之。曰。忠臣之家也。金明以立信之喪歸  
葬丹陽。立信子麟。內書寫檄。宜文字在建康。不肯從衆。  
降。崎嶇走閩。以死。初。立信之未仕也。家窶甚。會歲大侵。  
吳淵守鎮江。命為粥。以食流民。使其客黃應炎主之。應  
炎一見立信。與語。心知其非常人。言于淵。大奇之。禮  
以上客。凡共張服御。視應炎為有加。應炎甚怏怏。淵解  
之曰。此君吾地位人也。但遭時不同耳。君之識度志業。  
皆非其倫也。蓋少下之。是年試江東轉運司。明年登第。  
後其踐歷略如淵。而卒死于難。人謂淵能知人云。

、姜才

姜才。濠州人。貌短悍。少被掠入河朔。稍長。亡歸。隸淮南  
兵中。以善戰名。然以來歸人。不得大官。為道州副都統。

時淮多健將，然驍雄無踰才。才知兵善騎射，撫士卒有恩。至臨陣，軍律凜，其子當戰，回事才望見，以為敗也。拔劍馳逐，殺之。賈似道出師，才以兵屬孫虎臣為先鋒，相拒于丁家洲。大軍設砲架，鼓車弩江濱，中流數千艘，旌旗聯亘，鼓行而下。才奮兵前接戰，鋒已交，虎臣遽過其妻所乘舟，衆見之，謹曰：步帥遁矣。於是諸軍皆潰，才亦收兵入揚州。大兵乘勝攻揚州，才為三疊陣，逆之三里溝，戰有功。又與元帥戰，揚子橋日暮，兵亂流矢貫才肩，拔矢揮刀而前，所向辟易。已而大軍築長圍，自揚子橋竟瓜洲，東北跨灣頭，至黃塘，西北至丁村，務欲

以久困之。時德祐元年也。明年正月，宋亡。二月，五奉使及一閤門宣贊舍人持謝太后詔來諭，才發弩射却之。復以兵擊五奉使于召伯堡，大戰而退。未幾，瀛國公至瓜洲，才與庭芝泣涕誓將士出奪之。將士皆感泣，乃盡散金帛犒兵，以四萬人夜擣瓜洲，戰三時，衆擁瀛國公避去。才進戰，至浦子市，夜猶不退。阿木使人招之，才曰：吾寧死，豈作降將軍邪？四月，才以兵攻灣頭柵。五月，復攻之，騎旋濇而止。乃舍騎步戰，至四鼓，全師以歸。揚食盡，才時出運米貢州，高郵以給兵。六月，護餉至馬家渡，萬戶史弼將兵擊奪之。才與戰，達旦，弼幾死。阿木馳兵



來援乃得免去庭芝以在圍久召才計事屏左右語久之第聞才厲聲云相公不過忍片時痛耳左右聞之俱汗下才自是以兵護庭芝第期與俱死七月益王在福州以龍神四廂都指揮使保康軍承宣使召才與庭芝東至泰州將入海阿木以兵追及圍泰州使使者招之降才不聽阿木驅揚兵士妻子至城下會才疽發背不能戰諸將遂開門降都統曹安國入才卧内執之以獻阿木愛其忠勇欲降而用之才肆為慢言阿木責庭芝不降才曰不降者才也復憤不已阿木怒罾之揚州才臨刑夏貴出其傍才切齒曰若見我寧不愧死邪

洪福 洪大源洪大淵

洪福者夏貴家僮也從貴積勞為鎮巢雄江左軍統制鎮江北貴降福與子大淵大源下班祇候彭元亮結貴軍復之加右武大夫鎮巢貴既臣附招福不聽使其從子往福斬之大兵攻城久不拔遣貴至城下好語福請單騎入城福信之門發而伏兵起執福父子屠城中貴泣殺大源大淵諄曰法正誅首謀何至舉家為戮福叱曰以一命報宋朝何至告人求活耶次及福福大罵數貴不忠請身南向死以明不背國也聞者流涕

趙淮

趙淮丞相葵之從子也。李全之叛，屢立戰功，累官至淮東轉運使。德祐中，戍銀樹埧，兵敗，與其妾俱被執。至瓜州，元帥阿朮使淮招李庭芝，許以大官。淮陽許諾，至揚城下，乃大呼曰：「李公好男子，死，毋降也。」元帥怒，殺之，棄屍江濱。

### 趙孟錦

趙孟錦者，少不羈，遊淮，以軍功為將佐。北兵攻真州，每戰輒為士卒先，守苗再成，倚之為重。北兵重艦駐江上，孟錦乘大霧來襲，俄霧解，日已高，北兵見其兵少，逐之。登舟，失足墮水，身荷重甲，溺焉。

### 宋應龍

褚正一  
胡拱宸

宋應龍者，儒生，通兵，出入行陳三十餘年，為諮議官，寓泰州。德祐二年六月甲寅，大兵至泰州，裨校孫貴、胡惟孝、尹端甫、李遇春開門迎降。應龍與其妻自縊於園中。是時提刑詔褚正一字粹翁，廬州人，武舉進士，督戰高沙，被創，竟沒于水。知興化縣胡拱宸，縣破，亦死之。

### 耿世安

耿世安為武翼大夫，淮東副總管，兩淮都撥發官。初，謀報大兵至，制置使賈似道謂世安提兵往漣水軍增戍，衆方猶豫。世安徑迎至漁溝，以三百騎入陳，麇擊自午。

至酉身被七創猶能追殺潰兵收兵還至數里沒事聞  
贈五官立廟淮安賜謚忠武

趙卯發

清江先生別有傳

趙卯發字漢卿昌化人淳祐十年以上舍登第為遂寧  
州司戶潼川簽判宣城宰素以節行稱中被論罷咸淳  
七年起為彭澤令十年權通判池州大兵渡江池守王  
起宗棄官去卯發攝州事繕壁聚糧為守禦計夏貴兵  
敗歸所過縱掠卯發捕斬十餘人兵乃戢明年正月大  
兵至李王河都統張林屢諷之降卯發怒氣填膺矐目  
視林不能言有問以視身之道者卯發曰忠所以視

身也此外非臣子所得言林以兵出巡江陰降歸而陽  
取卯發為守守兵五百餘柄皆歸林卯發知不可守乃  
置酒會親友與飲訣謂其妻雍氏曰城將破吾守臣不  
當去汝先出走雍氏曰君為命官我為命婦君為忠臣  
我獨不能為忠臣婦乎卯發笑曰此豈婦人女子之所  
能也雍氏曰吾請先君死卯發笑止之明日乃散其家  
資與其弟姪僕婢悉遣之二月兵薄池卯發晨起書几  
上曰君不可救城不可降夫妻同死節義成雙又為詩  
別其兄弟與雍盛服同縊從容堂死卯發始為此堂名  
可以從容及兵遽領容堂中指所題扁曰吾必死於是

客問其故曰。古人謂慷慨殺身易。從容就義難。此殆其  
兆也。卯發死。林開門降。又元丞相伯顏入問。太守何在。  
左右以死對。即如堂中觀之。皆歎息。為具棺衾。合葬於  
池上。祭其墓而去。事聞。贈華文閣待制。謚文節。雍氏贈  
順義夫人。錄二子為京官。

此  
書  
注  
正

尹玉

尹玉。寧都人。以捕盜功。為贛州三砦巡檢。秩滿。城居。從  
文天祥勤王。及天祥至平江。調玉同淮將張全。廣將朱  
華拒大兵。戰于伍牧。全等軍敗。以淮廣軍先遁。曾全胡  
玉謝崇曾玉。以贛州四指揮軍亦遁。唯玉殘軍五百。殊

死戰。玉手殺數十人。箭集於胷。如蝟毛。援絕力屈。遂被  
執。大軍橫四槍於其項。以挺擊之。死。餘兵猶夜戰。殺人  
馬蔽田間。無一降者。質明。生還者四人。贈玉濠州團練  
使官其二子。賜田二頃。以恤其家。

陳昭姚峒

小字

陳昭。字光伯。常州人。少工詞賦。登第。為丹徒縣尉。歷兩  
淮制置司參議官。大軍倉曹。壽春府教授。復入帥幕。改  
知胸山縣。仍兼主管機宜文字。尋丁母憂歸。北兵至。常  
守趙興鑿走匿。郡人錢峒以城降。淮民王通居常州。陰  
以書約劉師勇。許為內應。朝議乃以姚希得子峒知常

州師勇復常州走錢訔執安撫戴之泰等遂迎訔以入訔以炤久任邊知兵辟為通判或謂炤曰今辟難有辭矣炤曰鄉邦淪沒何可坐視與其偷生而苟全不若死之愈也遂墨衰而出凡可以備禦無不為之訔入常甫十餘日火軍攻常炤等率義兵戰禦自夏徂冬不能下以功加帶行提轄文思院常將張彥攻呂城兵敗而降因盡言常城中虛實遂急攻之炤等晝夜城守招之不<sub>下</sub>丞相伯顏自將圍其城炤與訔誓以忠義協力固守再加訔太府寺丞炤幹辦<sub>辦</sub>諸軍糧料院常將士皆轉五官城益急常兵阻濠水為陳矢盡亦不降城破訔死之

炤猶斂兵巷戰家人請曰城東北門圍未合可走常熟入臨安也炤曰去此一步非死所矣日中兵至死焉事上追贈訔龍圖閣待制希得贈太師炤直寶章閣並官其子

### 王安節

王安節節度使堅之子也少從其父守合州有功安節等兄弟五人皆受官堅為賈似道所忌出知和州鬱鬱而死安節至咸淳末為東南第七副將德祐初似道潰師蕪湖列城皆降不降者亦棄城遁時安節駐兵江陵即走臨安上疏乞募兵為捍禦授閣門祇候浙西添差

兵馬副都監收兵入平江合張世傑兵戰鳳凰港有功  
轉三官劉師勇復常州攻走王良臣師勇還平江以安  
節與張譽守常已而良臣北導大兵攻常北常城素惡安節  
等築柵以守相拒兩月不下天元丞相伯顏自將攻之  
屢遣使招降亦不下丞相怒麾兵破其南門安節揮雙  
刀車死士巷戰臂傷被執求其姓名者安節呼曰我  
王堅子安節也降之不得乃殺之

李成大 潘大同潘大杰潘大奎潘應奎附胡德時

李成大字實夫南康軍建昌人文定公李迪之從子也  
寶祐四年進士德祐初知金壇縣北兵至與寄居官潘

恭帝本紀大本  
作大志

大同大本率民兵巷戰不勝大同兄弟死之吏民扶成  
大降乃潛與胡用存謀復金壇事泄繫獄搗掠不屈遂  
殺其二子以懼之終不屈笑曰子為父死臣為君死卒  
殺之事聞贈朝散大夫直祕閣謚忠節制曰外難方熾  
擁名城數十而降者相望也守封疆之臣父忠于前子  
繼于後如晉卞氏可無褒乎通直郎知鎮江府金壇縣  
兼弓手砦兵正李成大勁氣排霄精忠貫日壯志弗就

壽錦潘大杰恭帝本紀德祐元年四月金壇知李成大年義州官舍以縣尉胡  
傳心湯春主簿潘高大同潘梁主簿潘大杰進士潘大奎潘應奎攻金壇縣取  
鎮江制侯若輝尉趙嗣濟助元兵來戰成大二子及大同等皆死抗成大  
以歸不屈死事聞成大贈五官大同等贈官有差推此潘大同等四人應州  
成大傳胡傳心當即係胡用存世是及同死待改然二志士也應州傳

兵馬副都監收兵入平江合張世傑兵戰鳳凰港有功  
轉三官劉師勇復常州攻走王良臣師勇還平江以安  
節與張譽守常已而良臣北導大兵北攻常常城素惡安節  
等築柵以守相拒兩月不下天元丞相伯顏自將攻之  
屢遣使招降亦不下丞相怒麾兵破其南門安節揮雙  
刀車死士巷戰臂傷被執求其姓名者安節呼曰我

王堅子安節也降之不得乃殺之

李成大 潘大同潘大志潘大空潘應奎附胡德時

李成大字實夫南康軍建昌人文定公李迪之從子也  
寶祐四年進士德祐初知金壇縣北兵至與寄居官潘

本帝本化大本  
作大志

大同大本率民兵巷戰不勝大同兄弟死之吏民扶成  
大降乃潛與胡用存謀復金壇事泄繫獄搗掠不屈遂  
殺其二子以懼之終不屈笑曰子為父死臣為君死卒  
殺之事聞贈朝散大夫直祕閣謚忠節制曰外難方熾  
擁名城數十而降者相望也守封疆之臣父忠于前子  
繼于後如晉卞氏可無褒乎通直郎知鎮江府金壇縣  
兼弓手砦兵正李成大勁氣排霄精忠貫日壯志弗就  
以沒其身擬以大夫之階官其二孤用慰英爽

陶居仁

陶居仁太平之蕪湖人以行義聞州里仕為鎮江錄事

參軍北兵攻鎮江守臣洪起畏遁統制官石祖忠舉城降居仁見執抑使降居仁曰吾固知曆數窮而世運更也詎可失忠義求苟生邪得以死報朝廷夫何憾竟不屈遂見殺大帥至聞居仁死時語歎噴之為棺斂使人護以還其家源流數百里不時項至人皆異之鄉人為立祠

### 趙良淳

趙良淳字景程居饒之餘干太宗子恭憲王之後丞相汝愚曾孫也累世以學行名號賢宗子良淳少學於其鄉先生饒魯知立身大節及仕所至以幹治稱而未嘗

干人薦舉初以蔭為泰寧主簿三遷至淮西運轄浮湛冗官二十餘年馬光祖李伯玉范<sub>丁</sub>孫交薦辟之卒不振按考舉及格改知分寧縣分寧江西劇邑俗尚譁訐良淳治之不用刑戮不任吏胥取民之敦孝者身親尊禮之至甚桀驁者乃繩以法俗為少革秩滿特差權江西安撫司機宜文字詔除諸司審計院督餉江西升大理司直咸淳末廷臣議衆建宗室于內郡以為屏翰遂除良淳知安吉州先是知州李庚遁百事隳廢良淳至日與僚吏論所以守禦之備悉舉行之時歲饑民相聚為盜所在蠶起或請以兵擊之良淳曰民豈樂為盜哉



時艱歲旱，故相率剽掠苟活耳。命僚屬以義諭之，衆皆投兵散歸。其不歸者，衆縛以獻，有掠人貨財，詣其主謝過而還之者。良淳勸富人出粟振之，嘗語人曰：「使太守身可以濟民，亦所不惜也。」其言懇懇，足以動人人，皆倒困以應之。朝議尋以徐道隆為浙西提刑，以輔良淳。加良淳直秘閣，文天祥去平江，潰兵四出，剽掠良淳，捕斬數人，梟首市中。兵稍戢已，而范文虎遣使持書招降良淳，焚書，斬其使。太元兵迫獨松關，有旨趣道隆入衛。道隆既去，大元兵至，軍其東西門。良淳率衆城守，夜就菱舍，俾上不歸。先是，朝廷遣將吳國定援宜興，宜興已危，不敢往。乃如安吉，見良淳，願留以為輔。良淳見國定慷慨大言，意其可用也。請于朝，留戍安吉。已而國定開南門，納外兵。兵入城，呼曰：「衆散，元師不殺汝。」是衆號泣散去。良淳命車歸府，兵士止之曰：「事至此，侍郎當為自全計。」良淳叱去之，命家人出避，乃閉閣自經。有兵士解球之，復蕪衆羅拜泣曰：「侍郎何自苦？逃之猶可求生。」良淳叱曰：「我豈逃生者邪？衆猶環守不去。」良淳大呼曰：「爾輩欲亂耶？衆涕泣出，復投繯而死。」

徐道隆 徐載孫

徐道隆，字伯讓，婺州武義人。父煥，知南雄。道隆以任入

官累官潭州判官權知全州荆湖制置使汪立信奏辟  
道隆為參議官立信遷兵部尚書道隆與賓客千許人  
俱去江陵趙孟傳為制置使以道隆參其軍事遂為提  
點刑獄時文天祥既至平江潰卒四出為浙西患苦安  
吉尤甚有旨命道隆措置乃梟其首亂者于市牛監軍  
道范文虎程鵬飛管景模俱遺書誘降道隆焚書斬使  
世元大兵至臨平鼻亭山令間道入援時水陸皆有屯軍道  
絕不通議由太湖經武康臨安縣境勤王即日乘舟出  
臨湖門泊宋村郡守趙良淳既縊死德祐二年正月朔  
旦遣兵及道隆江陵親從軍三百人殊死戰矢盡捨槊  
指一軍盡沒道隆見執艦內間守者少急赴水死長子  
載孫亦赴水死餘兵有脫歸者言于朝命贈官賜諡厚  
恤其家立廟安吉官其子孫越三日宋亡

黃介 陳力

黃介字剛中隆興分寧人意氣卓越喜兵法制置使朱  
禔孫帥蜀介上攻守策禔孫愛之以自隨夏貴辟充廣  
濟簿尉平反死囚尹不能抗錢真孫復辟入幕及與真  
孫別誦南八男兒死爾語以勉之後家居帥鄉民登龍  
安山為保聚計德祐元年北兵至砦衆奔潰介堅守不  
出且射且詬面中六矢不為動顧謂家僮陳力曰爾盡

力勿走。加曰：主在死生，同之介身被鏃如蝟，面頰復中十三矢，倚柵而死。加亦死，妻劉被掠，子用中逃得不死。及壯，求母四方，逾十五年得于京師，以歸。州里稱為黃孝子云。

吳楚材 吳應奎

吳楚材，名炎，以字行。建昌南城人。德祐元年，建昌降明。年春，楚材還其鄉，領村糾集民兵。時江西制置使黃萬石走邵武，遂繇邵武守黎靖德，請于萬石乞濟師。萬石不許，而授楚材迪功郎，權制置司計議官，以安之。且戒勿興兵。楚材不聽。三月己亥，自領村率衆晨炊葶食，將

攻城，鉦鼓震動。甫至，近郊之龜湖，北兵三道蹙之，奪其長梯鐵鉤，因進攻領村。拒以木柵，不得入。事聞，益王元帥庠承制，遷楚材宣議郎，帶行太社令。知建昌軍，俾聚軍圖再舉。萬石匿其命。楚材既失利，且乏援。水元兵誘降其衆，多解去。楚材走光澤，為人所執。及其子應登，以獻。郡遣錄事婁南良訊之曰：汝何為錯舉楚材抗敵？曰：不錯，不錯。如府錄所為，乃大錯。爾府錄受宋官爵，今乃為敵用事，還思身上綠袍，自何而得？吾一鄙儒，特為忠義所激，為國出力，事雖不成，正不錯也。南良愧而語塞。及吳俊為江西制置，招討使，斬楚材父子，傳首諸邑。益

王立于福州。聞而哀之。贈官朝奉郎。即邵武境上立廟。賜名忠勇。

趙希洎

趙希洎。宗室子。居宜春。歷官至戶部尚書。咸淳中。迓巫相賈似道。出領廣東轉運使。德祐元年。制置使黃萬石檄其勤王。得潰卒數百。道經廬陵。郡守邀其軍。遂與從子必向避地贛州。亂定。歸里。時袁守聶嵩孫希洎內嫻也。勉之內款。不能屈。文天祥兵敗。以失言與必向俱被囚。辭節愈厲。家人饋食。則碎噐覆諸地。俱不食。據榻而死。

趙時賞

趙時賞。字宗白。和州宗室也。居太平州。咸淳元年。擢進士第。累官知宣州。旌德縣。德祐元年。北軍至境。時賞擁民兵捍戰有功。升直寶章閣。軍器太監。從二王入閩中。益王即位。擢知邵武軍。未幾。言者以棄城論。罷之。文天祥開都督府于南劍。奏辟參議軍事。江西招討副使。與宗室孟滌提兵趣贛州。取道石城。復寧都縣。數以偏師當一面。戰比有勝。時賞風神明俊。議論慷慨。有策謀。尤為天祥所知。及空坑之役。兵敗走吳溪。為追兵所執。不屈。死之時。賞在軍中。時見同列盛輜重。飾姬侍。歎曰。軍

行如遊春其能濟乎及被執見係累它僚屬至者時賞  
輒麾去云小小簽廳官爾執此何為由是得脫者衆

蕭雷龍

蕭雷龍字顯辰建昌新城人景定三年進士調臨安府  
學教授通判衢州及州守棄城遁朝命雷龍權知府事  
北兵薄城下不降脫去還建昌建昌已降雷龍與同里  
人黃巡檢起兵時火兵四合雷龍度不可支與黃巡檢  
及麾下數人奔入閩未出境為同安武人徐浚冲獲送  
縣權縣尹劉聖仲素與雷龍有怨殺之後聖仲北來泊  
舟小孤山有巨艦衝前建大旗書曰蕭知府兵繼見雷

龍坐船上聖仲大呼有頃不見以驚死

鄒鳳

鄒鳳字鳳叔吉水人從永豐少慷慨有大志以豪俠  
鳴從文天祥勤王補武資至將軍益王立改寺丞領江  
西招諭副使聚兵寧都得數萬改授江西安撫副使復  
興國永豐二縣進兵部侍郎兼江東西處置副使及永  
豐敗繼從天祥間關嶺道未幾復出開督府分司永豐  
興國境上北兵驟至大戰鳳脫身走至潮州及天祥被  
執鳳自殺當是時從天祥勤王死事者鳳與劉子俊等  
凡十有九人因次第其名附見左方

劉子俊

劉子俊字民章廬陵人嘗中漕試少與文天祥同里開相友善天祥開督府興國子俊詣府計事補宣教郎帶行軍器監簿兼督府機宜空坑兵敗子俊收兵保洞源接應郡縣尋入廣與大兵遇戰敗復招集散亡與鄒鳳同趨潮州天祥兵敗子俊被執自詭為天祥意使大兵不窮追天祥可間走也未幾別隊執天祥至相遇於途各爭真贋至大將前始得其實乃烹子俊

劉沐

劉沐字淵伯廬陵人文天祥鄰曲也少相狎暱天祥好奕與沐對奕窮思忘日夜以為常及起兵辟補宣教郎督府機宜暨天祥出使沐領兵還天祥歸開府南劔沐收部曲來會改授太府寺簿專將壹軍為督府親衛會空坑兵敗被執至豫章父子同日死焉仲子死亂兵季子復從天祥死嶺南當時江西忠義皆沐所號召沐性沈實而園機晝夜應酬壹不倦云

孫稟

孫稟字實甫吉州龍泉人獻簡公拊之後天祥長妹婿也天祥起兵檄稟招忠義士補宣教郎帶行監官告院知吉州龍泉縣天祥擁兵出贛里人奉稟復龍泉拒守

不下尋為判者所陷執至隆興殺之

彭震龍

彭震龍字雷可永新人天祥次妹婿也性跌宕喜事嘗以罪墨天祥起兵補宣教郎帶行太社令知永新縣會天祥出使被執震龍遁歸吉州已失乃結峒獠起兵天祥兵出嶺震龍接應復永新大兵至震龍為親黨所執至帥府要斬之屠永新

蕭燾夫

蕭燾夫永新人與兄敬夫俱天祥客燾夫為詩有豪俊氣天祥起兵補從仕郎及彭震龍謀復其縣燾夫贊之

縣受屠兄弟俱死之

陳繼周

陳繼周字碩卿寧都人淳祐三年貢于鄉以捕盜功行未奏名授廉州司法南豐縣知錄淮東總領幹官藤州觀察推官知吉州永豐縣改知高安縣廣東經略司準備差遣知衡陽縣辟淮東轉般倉江東提點刑獄幹辦公事未上會咸淳十年詔徵勤王文天祥方守贛州即日舉兵造繼周問計繼周慨然為具言閩里豪傑子弟與凡起兵之處其為方略甚詳于是留繼周幕中晝夜調度授繼周江西安撫司準備差遣率贛士以從繼周

雖弱不勝衣而年德有以服人士視為父兄進止疾徐  
唯指呼無敢先後詔改繼周合入官帶行監文思院差  
充江浙制置司主管機宜所部夜襲大兵於南柵門殺  
傷相當質明猶戰渴赴水死

張汭、張汭

張汭字朝宗一字次山蜀人少客巫相吳潛兄躬門出  
入荆間歷年明習韜畧潛兄弟既失廢年者十餘年繼  
文天祥起兵辟為祕閣修撰領廣東提舉督府參謀左  
右幕府知無不為空坑兵敗為亂兵所殺處置使鄒馮  
得其屍葬之

鞏信

鞏信安豐軍人為荆湖都統沈勇有謀本隸蘓劉義部  
曲文天祥開督府劉義以信與王福張必勝詣天祥信  
官至團練使同督府都統制江西招討使初至都府天  
祥以義士千人付之信曰此輩徒累人爾乃招淮士數  
千自隨然常快、曰有將無兵其如彼何天祥自興國  
趨永豐大兵追其後信戰于方石嶺中數矢傷重不能  
戰自投崖石而死土人葬之顏色如生贈清遠軍承宣  
使立廟旌之

蕭明哲



蕭明哲字元甫太和人。性剛有膽氣。明大節。少舉進士。天祥開府汀州。辟充督韓架閣監軍。師出嶺。明哲以贛縣義復萬安。連結諸峇。拒守。兵敗被執。不屈。死於陰。興臨刑。大罵不絕口。聞者壯之。

杜許

杜許字貴卿。丞相範從子也。少負氣。遊俠。德祐元年。有詔勤王。許時宰縣。糾集民兵。得四千人。文天祥開閩。平江。往附焉。時陳志道等贊天祥出使。許力爭不可。志道逐之去。已而天祥果見留。志道竊藏。逃歸。天祥北行。諸客無敢從者。許獨慨然請行。特改兵部架閣。從京口。以

計賂守夜劉千戶者。得官鐙。脫天祥。偕走淮。旬繇海道。以達永嘉。益王即位。授司農卿。廣東提舉。招討副使。督府參謀。尋往溫台。招集兵財。福安陷。與天祥相失。遂趨行朝。蘓劉義疑許自來。欲殺之。陳宜中張世傑不可。使人監護之。乃免。久之。奉命復入天祥幕。及空坑。兵敗。又與跋跣。患難。以出天祥。移屯潮州。許議趨海道。天祥不聽。使護海舟。至官富場。許懼力單。徑趨屋山。兵潰。被執。以憂憤感疾卒。

林琦

林琦閩人也。德祐二年。大兵既迫臨安。琦於赭山結集。

忠義數千人捍禦海道以功補宣教郎督府主管機宜  
文字充檢院文天祥開府南劍琦佐其幕琦外文采內  
忠實數涉患難無怨懟辭及潮州移屯琦俱被執至惠  
州道復執之北行赴水為吏所拔至建康以憂憤死

蕭資

蕭資天祥幕下書史也天祥起兵資于患難中扶持甚  
至空坑兵敗以全督府印功升閩門路鈐轄資性和厚  
臨機應變輯睦將士總攝細務任腹心之寄潮陽移屯  
與大兵遇死之

陳奎

陳奎字肇方一字偉節饒州安仁人父詩川以武功補  
沭陽令咸淳元年父子同舉進士調滁州司戶參軍父  
喪免改荆閩糧料院又以母憂去調胸山主簿制置使  
印應雷辟入幕德祐元年秋奎繇海道歸杭授南安軍  
教授不就還家奎少與謝枋得遊會枋得起兵安仁首  
拔入幕執安仁令李景景奎里人也景請得以家資二  
萬贖罪奎曰普天之下莫非王土家財獨非朝廷錢耶  
聲其罪斬之景子率鄉民五千報怨奎度勢不敵引兵  
趨信州會守吏遁去奎聞于朝就攝郡事益王即位奎  
入覲遷宗正寺簿太府寺丞領江東安撫使出上饒接

應郡縣所部才千餘人屯火燒山越數月戰績被執至  
豫章元帥憐其才羈縻館留之遁去後三年復起兵尋  
敗入積煙山中自到死所著有鶴心集其詩多識刺當  
時之士大夫第年同時被執死焉

劉士昭王士敏

劉士昭太和人嘗為鉞工與鄉人同謀復太和縣敗血  
指書帛云生為宋民死為宋鬼赤心報國一死而已因  
以其帛自縊死其黨入獄多乞憐苟免有王士敏者獨  
慷慨不撓題其裾此生無復望生還一死都歸談笑間  
大地盡為腥血汚好收吾骨首陽山臨刑歎曰恨吾病

失聲不能大罵耳

呂武

呂武太平州步卒也文天祥出使武應募從行偕脫鎮  
江之難沿淮東走海道賴武力為多天祥開府南劍武  
以武功補官遣之結約州縣起兵相應道阻復崎嶇數  
千里即天祥于汀梅挺身患難化賊為兵以環衛官將  
數千人出江西以遇士大夫無禮死於橫逆一軍揮涕  
而葬之武忠梗出天性不避疆禦而好面折人過多觸  
忌諱故及於禍云

趙文義

趙文義

趙文義昂州都統制更戍歸與北兵遇力戰死之初開  
州之役文義兄武義亦死焉恭帝本紀咸淳十年十一月贈文義清遠軍節度使  
與其兄威武軍節度使文亮  
共立廟揚州賜名傳忠

宋季忠義錄卷五終

宋季忠義錄卷六

四明萬斯同季野輯

男世標子建校

徐應鑣

徐應鑣字巨翁衢之江山人世為衢望族咸淳末試補  
太學生德祐二年宋亡瀛國公入燕三學生百餘人皆  
從行應鑣不欲從乃與其子琦崱女元娘等共焚子女  
皆喜從之太學故岳飛第有飛祠應鑣具酒肉祀飛曰  
天不祐宋社稷為墟應鑣死以報國誓不與諸生俱北  
死已將魂魄累王作配神主與王英靈永永無斃琦亦  
賦詩以自誓祭畢以酒肉餉諸僕諸僕醉卧應鑣乃與

其子女入梯雲樓積諸房書籍箱笥四周縱火自焚一小僕未寐聞火聲起至樓下穴牖視之應鑣父子儼然坐立如廟塑像走報諸僕壞壁撲滅火應鑣不能死與其子女怏怏出戶去倉卒莫知所之翌日得其屍祠前井中皆僵立瞠目面如生諸僕為具棺斂殯之西湖金牛僧舍益王立福州褒其節贈朝奉郎祕閣修撰後十年其同舍生劉汝鈞率儒者五十餘人收而葬之方家峪私謚曰正節先生

高應松

高應松開慶元年進士繇衡州教授通判廣德軍召為國子監丞權禮部員外郎翰林權直北兵自湧金門入舉朝奔竄從官留者九人應松其一也遷中書舍人直學士院尋遷權工部侍郎進端明殿學士簽書樞密院事從瀛國公至燕絕粒不語越七日卒

趙孟策

趙孟策福王與萬從子元軍逼紹興孟策謀舉兵興復事洩被執至臨安范文虎詰其謀遂孟策詎曰賊臣負國厚恩共危社稷我帝室之胄一刷宗社之耻乃更以為逆乎文虎怒驅出斬之過宋廟呼曰太祖太宗列聖之靈在天何以使孟策至此都人莫不頌洋既死雷

電書晦者久之

趙孟壘

趙孟壘，合州人。登開慶元年第，為金華尉。臨安降，與從子由鑑懷太皇太后帛書詣益王，擢宗正寺簿監軍。復明州戰敗，見獲不屈，磔死。

潘方

潘方，温州平陽人。寶祐四年進士，調監慶元府市舶。慶元降，附方不屈，赴水死。

鍾季玉

鍾季玉，饒州樂平人。淳祐七年舉進士，調為都大坑冶

屬，改知萬載縣。淮東制置使李庭芝薦之，遷審計院，改宗正寺簿，又遷樞密院編修。出知建昌軍，會有旨江西和羅季玉至，即才半年，屬歲旱，度其絕賦不能辦，請于朝。和羅得減三之一，遷提舉常平。未幾，改轉運判官，皆不赴。後以江西轉運判官疆起之，郡大胥以賄敗，前使百計護之。季玉卒窮治，投嶺表。俄以秘書丞召還，遭前使構讒而封駁之，改都大提點坑冶。北兵渡江，季玉徙寓建陽，兵至，不屈死之。

林空齋父同林同林則全子

林空齋，永福人。失其名，父同官，至監丞。空齋舉進士，歷

知縣解官家居。益王立，張世傑圍泉州，乃率鄉人黃必大、劉全祖，即其家開忠義局，起義兵。復永福縣。時王績翁以福安送款，世傑然，實密約。北兵至，屠永福，必大、全祖等走它邑。空齋盛服坐堂上，嚙指血書壁云：生為忠義臣，死為忠義鬼。草間雖可活，吾不忍生爾。諸何為者？自古皆有死，俄見執不屈而死。

閩書林同傳

林同，字子真，閩縣人。棄世澤官，終養不出。孝謙廉讓，而深於詩，嘗著孝弟篇及三教一心諸語。宋幼帝南入海，樞密張世傑轉圍泉州，傳檄諸州起兵應之。同所居其

祖瓊舊宅，軒敞可治事。而邑人劉全子者，太常少卿誥之後，故為監丞。同，妹夫也。與鄉人黃必大謀起兵應世傑，即同宅置忠義局。募士復永福縣。宋以同子為福建招撫使。景炎二年九月，元也的迷失兵入福州。其冬入福清，全子與戰，敗出亡。走衆勸同避之，同曰：吾宅業建局，名忠義，何以走為盛服坐堂上，嚙指題壁曰：生為忠義臣，死作忠義鬼。草間足可活，吾不為爾。諸公何為者？自古皆有死，兵至，詰之大罵而死。全子出亡，既亦自經死。而林

劉二族株連者甚衆

閩書林同傳 壽鏞按閩書林同傳所載題壁語

李芾

子與題壁

與空齋同或係史官誤載或閩書誤述三者必居其一然父子忠義概可見矣

知縣解官家居。益王立張世傑圍泉州，乃率鄉人黃必大、劉全祖，即其家開忠義局，起義兵。復永福縣。時王績翁以福安送款，世傑然實密約。北兵至，屠永福，必大全祖等走它邑。空齋盛服坐堂上，嚙指血書壁云：生為忠義臣，死為忠義鬼。草間雖可活，吾不忍生爾。諸何為者？自古皆有死，俄見執不屈而死。

閩書林同傳劉全子附

林同，字子真，閩縣人。棄世澤官，終養不出。孝謙廉讓，而深於詩，嘗著孝弟篇及三教一心諸語。宋幼帝南入海，樞密張世傑轉圍泉州，傳檄諸州起兵應之。同所居其

祖瓊舊宅，軒敞可治事。而邑人劉全子者，太常少卿誥之後，故為監丞，同妹夫也。與鄉人黃必大謀起兵應世傑，即同宅置忠義局。募士復永福縣，宋以同子為福建招撫使。景炎二年九月，元也的迷失兵入福州。其冬入福清，全子與戰，敗出亡。走衆勸同避之，同曰：吾宅業建局，名忠義，何以走為盛服坐堂上，嚙指題壁曰：生為忠義臣，死作忠義鬼。草間足可活，吾不為爾。諸公何為者？自古皆有死，兵至，詰之大罵而死。全子出亡，既亦自經死。而林

劉二族株連者甚衆

閩書林同傳 壽鏞按閩書林同傳所載題壁語

李芾子與題壁沈忠

與空齋核同或係史官誤載或閩書誤述三者必居其一然父子忠義概可見矣



李芾字叔章其先廣平人中徙汴高祖升進士為吏  
有廉名靖康中金人破汴以刃迫其父升前捍之與父  
俱死曾祖椿徙家衡州遂為衡人芾生而聰警少自樹  
立名其齋曰無暴棄魏了翁一見禮之謂有祖風易其  
名曰肯齋初以蔭補南安司戶辟祁陽尉出振荒即有  
聲攝祁陽縣縣大治辟湖南安撫司帳幕官時盜起永州  
招之歲餘不下芾與參議鄧垌提千三百人破其巢禽  
賊魁蔣時選父子以歸餘黨遂平攝潭湘縣縣多大家  
前令束手不敢犯芾籍出賦不避貴勢賦役大均入  
朝差知德清縣屬浙西餓芾置保伍振民活數萬計遷

主管酒庫所德清有妖人扇民為亂民蜂起附之至數  
萬人遣芾討之盜聞其來衆立散歸除司農寺丞歷知  
永州有惠政永人祠之以浙東提刑知温州州瀕海多  
盜芾至盜息遂以前官移浙西時浙西亦多盜羣穴太  
湖中芾跡得其出沒按捕之盜亦駭散作虎丘書院以  
祠尹焞置學宮親為學規以教之學者甚衆咸淳淳元年  
入知臨安府時賈似道當國前尹事無鉅細先問白始  
行芾獨無所問福王府有迫人死者似道力為營拯芾  
以書往復辨論竟寘諸法嘗出閱火具民有不為具者  
問之曰似道家人也立杖之似道大怒使臺臣黃萬石

評以賊罪罷之大軍取鄂州始起為湖南提刑時郡縣  
盜擾民多奔竄竄芾令所部發民兵自衛縣與一皂幟令  
曰作亂者斬幟下民始帖然乃號召發兵擇壯士三千  
人使土豪尹奮忠將之勤王別召民兵集衛為守備未  
幾似道兵潰蓋湖乃復芾官知潭州兼湖南安撫使時  
湖北州郡皆已歸附其友勸芾勿行曰無已即以身行  
可也芾泣曰吾豈昧於謀身哉第以世受國恩雖廢棄  
中猶思所以報者今幸用我我以家許國矣時其所愛  
女死一慟而行德祐元年七月至潭兵調且盡游騎  
已入湘陰益陽諸縣倉卒召募不滿三千人乃結溪峒

蠻為聲援繕器械時留糧柵江修壁命劉孝忠統諸軍  
吳繼明自湖北至陳義陳元自戍蜀歸芾奏請留之戍  
潭推誠任之皆得其死力大元右丞阿里海牙既下江  
陵分軍戍常德遣諸蠻而以大兵入潭芾遣其將于興  
帥兵禦之于湘陰興戰死九月再調繼明出禦兵不及  
出而大軍已圍城芾慷慨登陴與諸將分地而守民老  
弱亦皆出結保伍助之不令而集十月兵攻西壁孝忠  
率奮戰芾親冒矢石以督之城矢盡有故矢皆敗羽  
芾命括民間羽扇羽立具又苦食無鹽芾取庫中積鹽  
席焚取鹽給之有中傷者躬自撫勞日以忠義勉其將

士死傷相籍人猶歛血乘城殊死戰有來招降者芾殺之以徇十二月城圍益急孝忠中礮風不能起諸將泣請曰事急矣吾屬為國死可也如民何芾罵曰國家平時所以厚養汝者為今日也汝第死守有後言者吾先戮汝除夕大兵登城戰少却旋蟻附而登衛守尹穀及其家人自焚芾命酒酌之因留賓佐會飲傳令猶手書盡忠字為號敵達旦諸賓佐出參議楊震赴園池死芾坐熊湘閣召帳下沈忠遺之金曰吾力竭分當死吾家人亦不可辱于俘汝盡殺之而後殺我忠伏地叩頭辭以不能芾固命之忠泣而諾取酒飲其家人盡醉乃編

刃之芾亦引頸受刃忠縱火焚其居還家殺其妻子復至火所大慟舉身投地乃自刎幕屬茶陵顧應森安仁陳億孫皆死潭民間之多舉家自盡城無虛井益林木者累、相比繼明等以城降陳毅潰圍將奔閩中道戰死事聞贈端明殿大學士謚忠節芾初至潭遣其子裕孫出曰存汝以奉祀也其孫輔叔時亦親迎于温皆得不死二王悉詔入閩官之芾為人剛介不畏強禦臨事精敏姦猾不能欺且強力過人自旦治事至暮無倦色夜率率夜至三鼓始休五鼓後起視事望之凜然猶神明而好賢禮士卽之温然雖一藝小善亦憐、獎薦之平生

居官廉及擯斥家無餘貲

尹穀

書錄按宋史瀛國公傳德祐三年春帝圍門死真係陳億孫顏應茂等皆從帝死忠義本帝傳幕僚茶後顧應茂安在陳億孫皆死今帝在帝傳幕僚作註

尹穀字耕叟潭州長沙人性剛直壯厲初處郡學士友皆嚴憚之宋以詞賦取士季年惟閩浙賦擅四方穀與同郡邢天崇董景舒歐陽逢泰諸人為賦體裁務為典雅一每一篇出士爭學之由是湘賦與閩浙頡頏中登進士第調常德推官知崇陽縣所至廉正有聲丁內艱居家教授不改儒素日未出授諸生經及朱氏四書士雖有才思而不謹飭者擯不齒諸生陰暑必盛服端居終日夜滅燭始免巾幘早作必冠而後出惟行市中

市人見其行動有禮相謂曰是必尹先生門人也詰之果然晚入李庭芝制幕用薦擢知衡州需次于家潭城受兵帥臣李芾禮以為參謀共畫備禦策時城中壯士皆入衛臨安所餘軍僅四百五十人老弱大半芾糾率

卷四

賈傳孝从卷六移此 史香儉从卷九移此 馮驥以卷八移此 楊喜孫从卷九移此

月城不下大軍斷絕險要

訣曰吾以寒儒受國恩典

吾死耳召弟岳秀使出以

存尹氏祀岳秀泣而許之已乃積薪高戶朝服望闕拜已先取歷官告身焚之即縱火自焚隣家掠之火熾不可前但於烈焰中遙見穀正冠端笏危坐闔門少長皆

居官廉及墳冢家無餘貲

尹穀

書錄按宋史瀛國公傳德祐三年春帝圍門死嘉祐  
陳億孫顏應為等皆從帝死忠義本帝傳嘉祐茶  
凌顧應為安仁陳億孫皆死今帝在帝得成顧應為

尹穀字耕叟潭州長沙人性剛直壯厲初處郡學士友  
皆嚴憚之宋以詞賦取士季年惟閩浙賦擅四方穀與  
同郡邢天榮董景舒歐陽逢泰諸人為賦體裁務為典  
雅一每一篇出士爭學之由是湘賦與閩浙頡頏中年  
登進士第調常德推官知崇陽縣所至廉正有聲丁內  
艱居家教授不改儒素日未出授諸生經及朱氏四書  
士雖有才思而不謹飭者墳不齒諸生隆暑必盛服端  
居終日夜滅燭始免巾幘早作必冠而後出惟行市中

市人見其行動有禮相謂曰是必尹先生門人也詰之  
果然晚入李庭芝制幕用薦擢知衡州需次于家潭城  
受兵帥臣李芾禮以為參謀共畫備禦策時城中壯士  
皆入衛臨安所餘軍僅四百五十人老弱大半芾糾率  
民兵獎勵以義人殊死戰三月城不下大軍斷絕險要  
援兵不至穀知城危與妻子訣曰吾以寒儒受國恩與  
方州詎不可辱若輩必當從吾死耳召弟岳秀使出以  
存尹氏祀岳秀泣而許之已乃積薪扃戶朝服望闕拜  
已先取歷官告身焚之即縱火自焚隣家掠之火熾不  
可前但於烈焰中遙見穀正冠端笏危坐闔門少長皆

死焉。芾聞之，命酒酌穀曰：「尹務實，男子也。先我就義矣。」務實，穀號也。初，潭士以居學肄業為重。州學生月試，積分高等，升湘西嶽麓書院。生又積分高等，升嶽麓精舍。生，潭人，號為三學生。兵興時，三學生聚居州學，猶不廢業。穀厄，諸生數百人往哭之。城破，多感激死義者。

按此南高增  
孟兼唐玉傳云七子於首而去  
其目

以世澤奏補將仕郎銓試第一  
能聲五中漕舉改鄂州教授遷

復州司理參軍轉常澧觀察推官擢知監利縣有疑獄歷年不決霆未上微服廉得其實立決之人稱神明

辟荆湖制置司幹官呂文德為帥素慢侮士常試以難

事霆倉卒立辦皆合其意一日謂曰朝廷有密旨出師

策應淮東誰可往者即對曰某將可又曰兵器糧草若

何即對曰某營兵馬某庫器甲某處矢石某處芻糧口

占授吏頃刻案成文德大驚曰吾平生輕文人以其不

事事也公材幹如此何嘗不可為吾何敢不敬密薦諸

朝除通判江陵府江陵大府雄據上流表裏襄漢西控

巴蜀南扼湖廣兵民雜處庶務叢集霆隨事裁決處之

泰然暇日詣郡庠與諸生講學又取隸官閒田增益廩

稍選民之強壯當農隙訓練之時付以器械雜兵行肄

死焉。芾聞之，命酒酌穀曰：「尹務實，男子也。先我就義矣。」務實，穀號也。初，潭士以居學肄業為重。州學生月試，積分高等，升湘西嶽麓書院。生又積分高等，升嶽麓精舍。生，潭人，號為三學生。兵興時，三學生聚居州學，猶不廢業。穀死，諸生數百人往哭之。城破，多感激死義者。

### 楊震

楊震，字震仲，少有志節。以世澤奏補將仕郎，銓試第一，授脩職郎，柱嶺主簿。有能聲，五中漕舉改鄂州教授，遷復州司理參軍，轉常澧觀察推官，擢知監利縣。有疑獄，歷年不決，震未上，微服廉得其實，立決之。人稱神明。

辟荆湖制置司幹官。呂文德為帥，素慢侮士，常試以難事。震倉卒立辦，皆合其意。一日謂曰：「朝廷有密旨，出師策應淮東，誰可往者？」即對曰：「某將。」又曰：「兵器糧草若何？」即對曰：「某營兵馬，某庫器甲，某處矢石，某處芻糧口。」

占授吏，頃刻案成。文德大驚曰：「吾平生輕文人，以其不事事也。公材幹如此，何嘗不可為。吾何敢不敬，密薦諸朝。」除通判江陵府江陵大府，雄據上流，表裏襄漢，西控巴蜀，南扼湖廣，兵民雜處，庶務叢集。震隨事裁決處之。泰然暇日，詣郡庠與諸生講學。又取隸官閒田，增益廩，稍選民之強壯，當農隙訓練之時，付以器械，雜兵行肄。

習親閱試行賞以激勸之未幾有能環甲騎射者遂皆  
獲其用而兵不復擾民丁內艱德祐初起復奉議郎湖  
南安撫司叅議與安撫使李芾協力戰守靈有心計善  
出奇應變帥府機務芾一以委之城初被圍日夜守禦  
數日西北隅破運麾兵巷戰抵暮增築月城比旦城復  
完策厲將士以死守之城既破運赴水死妻妾奔收無  
及遂皆死

馬堅

馬堅宕昌人也一家父叔兄弟皆以忠勇為名將而堅  
與其兄塋特顯咸淳中堅知欽州徙知邕地接六詔

安南傍通諸溪洞撫御少失宜往召亂堅鎮撫諸蠻  
及治閩隘皆有條理大理不敢越善聞安南不敢入永  
平諸洞皆上帳冊邊陲晏然廣西經略李興上其功加  
閩門宣贊舍人未幾以左武衛將軍徵入朝已而宋亡  
堅因留靜江總屯戍諸軍護經略司印守城至元十四  
年平章阿里海牙攻廣西堅發所部及諸洞兵守靜江  
而自將三千人守嚴關鑿馬坑斷嶺道大兵攻嚴關不  
克乃以偏師入平樂逼臨桂夾攻堅兵敗退保靜江  
平章使人招降堅發弩射之攻三月堅夜不解甲前後  
百餘戰城中死傷相藉訖無降意城東隅稍卑大軍陽



攻西門以精兵夜決水障攻東門破其外城墜閉內城  
守又破之墜率死士巷戰刀傷臂被執殺之斷其首  
猶握拳奮起立踰時始仆靜江破邕守馬成旺及其子  
都統應麒以城降獨墜部將婁鈴轄猶以二百卒人守月城不下

### 婁鈴轄

婁鈴轄失其名為馬堅部將靜江陷猶以二百五十人  
守月城不下阿里海牙笑曰是何足攻圍之十餘日婁  
從壁上呼曰吾屬餓不能出降苟賜之食當聽命乃遣  
之牛數頭米數斛一部將開門取歸復閉壁大軍乘高  
視之兵皆分米炊未熟生鬻牛啖立盡鳴角伐鼓諸將

以為出戰也甲以待婁乃命所部入擁一大砲然之聲  
如雷霆震城皆崩煙氣漲天漲外兵多驚死者火熄入  
視之反燼無遺矣

### 劉子薦

劉子薦字貢伯吉州安福人父壽驥以進士歷官知澧  
州沒於王事子薦以任為湘鄉尉以獲盜功調撫州司  
錄有愬王應亨敵死荷檐黃九者獄成笑子薦閱爰書  
疑而駭之俄烈風迅雷闕獄戶裂吏楔殺人者實孔目  
馮汝能非應亨也獄遂白得免死者八人事聞頌諭天  
下之為理官者改知贛縣監行在左藏庫通判常德府

知融州。陞辭。度宗慰之曰。廣郡凋瘵。賴卿撫摩。子薦對曰。臣當推行德化。以安其民。至官。以廩靜著聞。主管仙都觀。廣西經畧司。檄為參議官。德祐二年十一月。北兵至靜江。權經略使馬堅遣子薦提控兵藥。弩手守城東門。勢不支。時瀛國公已入燕子。薦取笏書其上云。我頭可斷。膝不可屈。登城北望再拜。取所衣袍。瘞之。語左右曰。事急不可為。吾有以死守。或諷子薦遁去。子薦曰。死事義也。何以遁為。竟死之。

### 黃文政

黃文政。淮人。戍蜀。軍潰。間道走靜江。馬堅邀與同守城。

破文政被執。大詬不屈。元軍斷其舌。以次剗。則之。文政含胡叱咄。比死不絕聲。

### 鄧得遇

鄧得遇。字達夫。邛州人。淳祐十年進士。調寧遠主簿。改知南昌縣。通判隆興府。監行在藏庫。出知昭州。遷廣西提點刑獄。逾年攝經略事。兼知靜江府。德祐元年。長沙被兵。得遇遣都統馬驥。馬應麒赴援。驥潛殺而還。得遇斬之。軍事悉委之。應麒未幾。馬堅代聞。議事不合。二年。移治蒼梧。靜江破。得遇朝服南望拜辭。書幅紙云。宋室忠臣。鄧氏孝子。不忍偷生。寧甘溺死。彭咸故居。乃吾潭。

府。屈公子平。乃吾伴侶。優哉悠哉。吾得其所。遂投南流江而死。

· 莫謙之萬安僧

莫謙之。常州宜興僧人也。德祐元年。糾合義士。捍禦御閭。詔為溧陽尉。是冬。沒于戰陳。贈武功大夫。時萬安僧亦起兵。舉旗曰降魔。又曰時危。聊作將。事定。復為僧。旋亦敗死。

· 徐道明

徐道明。常州天慶觀道士也。為管轄。賜紫。德祐元年。北兵圍城。道明謁郡守姚訔。請曰。事急矣。君侯計將安出。

訔曰。內無食。外無援。死守而已。道明亟還。慨然告其徒曰。姚公誓與城俱亡。吾屬亦不失為義士。迺取觀之文。籍置石函。藏坎中。兵屠城。道明危坐。燭香。讀老子書。兵使之拜。不顧。誦聲琅然。以刃脅之。不為動。遂死焉。

· 趙與釋方洪

趙與釋。嗣秀王德祐二年。為浙閩廣察訪使。益王之立。舅楊完節居中秉權。與釋自以國家親賢。多所諫止。遂犯忌嫉。諸將俱憚之。未幾。北兵逼浙東。乃命與釋出瑞安。與守臣方洪共任備禦。朝臣言與釋有劉更生之忠。曹王臯之孝。宜留輔以隆國本。請者益急。卒遣之瑞。

安受圍城中危急與洪誓以死守小校李雄夜開門納外兵與釋洪率衆巷戰兵敗被繫董文炳問之曰汝為秀王耶今能降乎與釋厲聲曰我國家近親今力屈而死分也尚何問為遂殺之洪亦伏節而死

按宋史二王本紀景炎元年八月甲戌秀王與畢圍婺州丙子聞元兵至遂解歸十一月參政阿剌罕董文炳將兵至慶州制置使李珣以城降甲辰秀王與畢逆戰于瑞安觀察使李世達死之與畢及其弟與慮子孟福監軍趙由瑄察訪使林温被執皆死再考陳仲微二王本末書十月元兵至慶

州守臣李珣遁十一月董右丞至瑞安時改温州為瑞安府

趙與畢李世達等禦之敗績世達遁與釋退屯福

安城遂降十二月元董右丞兵至福安縣與釋拒

戰敗績死之是與釋實死難矣及考温州府志則

言益王嗣位年號景炎以李珣為浙東制置使守

瑞安郡人徐似孫倅雲還珣辟入幕充參議官是

夏招撫使印德印德傳提所部兵至秋防禦使翟

國秀提每師至未幾秀王趙與釋步帥李世達亦

提兵至政令不一內外騷擾十月珣被召秀王代

之德傳提所部入閩時台處已相繼降十一月朔

鄉民告急。秀王以為訛，率繩以法。五~~日~~江北山後  
煙焰亘天，猶指為野燒。六日早，濱海舉火，距城一  
舍。光徹夜如晝。李帥始脅秀王守城，席捲帑藏以  
逃。十三日，省官<sup>即董炳</sup>令總管高興為征南馬步先  
鋒，由洞嶺道追襲秀王及李步帥哈刺解元帥。王  
招討提舟師，由海道取福州。明年正月朔，秀王及  
李步帥林將軍于福州羅源道上，悉被戮。是與釋  
非皎、死難者，但其被殺則一也。其死之地則在  
閩中，而不在于瑞安。當以後二書為據。至李世達之  
非死難，則賴温州志而明。

司馬夢求

司馬夢求，叙州人。開國公光之後也。母程歸及門，夫死  
誓不他適。旌其閭曰節婦。夢求，其族子，取以為後。景定  
三年，舉進士。咸淳末，調江陵沙市監鎮。沙市距城才十  
五里，南阻蜀江，北倚江陵，地勢險固，為舟車之會。時水  
為防。德祐元年，湖水忽涸，北兵橫過中道，乘南風縱火。  
都統程文亮逆戰于馬頭岫，制置使高達束手不援。文  
亮降。夢求朝服望闕再拜，自經死。

趙立

趙立，字德脩，重慶人。第進士。以上書迂賈似道，被謫。德

祐初起為大社令。湖北提刑使蜀。趣諸將入衛。至重慶。則咎萬壽已降。張玘方城守。為後圖。立無以復命。還主涪。沉水死。

曹琦

曹琦。蜀進士也。知南平軍。亦被執。脫身南歸。割置辟主。管機宜文字。聞都統趙安以城降。就守禦地。自經死。

王仙

王仙。蜀都統也。守涪州。北兵攻圍。無虛日。勢孤援絕。宋亡之二年。城始破。仙自刎。斷其吭。不殊。以兩手自摘其首。墜死。

徐宗仁

徐宗仁。字求心。信之永豐人。世豐淳祐十年進士。歷官為國子監主簿。開慶元年。伏闕上書曰。賞罰者軍國之綱紀。賞罰不明。則綱紀不立。今天下如器之款。而未墜于地。存亡之機。固不容髮。兵虛將惰。而力匱財殫。環視四境。類不足恃。而所恃以維持人心。奔走豪傑者。惟陛下賞罰之微權在耳。權在陛下。而陛下不知所以用之。則未墜者。安保其終不墜乎。臣為此懼久矣。陛下當危急之時。出金幣。賜土田。授節鉞。尺寸之功。在所必賞。故當悉心效力。圖報萬分可也。而自幹腹之兵。越江踰

廣而來。凡閱數月，尚未聞有死戰陣、死封疆、死城郭者。豈賞罰不足以勸懲之耶？今通國之所謂佚罰者，不過丁大全、袁玠、沈翥、張鎮、吳衍、翁應弼、石正則、王立愛、高鑄之徒，而首惡則董宋臣也。是以廷紳抗疏，學校叩閣，至有欲借尚方劍為陛下除惡，而陛下乃釋而不問。豈真欲愛護此數人，而重拂千萬人之心，天下之事勢急矣。朝廷之紀綱壞矣。若誤國之罪不誅，則用兵之士不勇，今東南一隅，天下已半壞於此數人之手，而罰不損其毫毛。彼方擁厚貲，挾聲色，高卧華屋，而使陛下與二三大臣焦心勞思，可乎？三軍之在行者，豈不憤然不平。

曰：稔禍者誰歟，而使我捐軀兵革之間，百姓之罹難者，豈不群然胥怨曰：召亂者誰歟，而使我流血鋒鏑之下，陛下亦嘗一念及此乎？又極論邊事，謂惠襲而威不振，論董宋臣盤固日久，蒙蔽日深，又請使有言責者皆得其盡其言，則國論伸而國威振。臣雖屏處山林，亦有生氣。遷國子監丞、秘書省著作佐郎、主管崇禧觀、遷考功郎官、兼崇政殿說書、進讀敬天圖、遷太府少卿、兼侍講、兼侍立、修注官、遷太常少卿、兼國史編修、實錄檢討、知寧國府、監察御史、劾閣論罷德祐元年起授吏部侍郎、兼中書門下、檢正諸房公事、兼提領豐儲倉所、兼同脩

國史實錄院同修撰侍左侍郎乞假督府名稱往本州  
同守臣防拓不允權禮部尚書兼益王府贊讀衛益王  
走海上厓山兵敗死焉

劉鼎孫

劉鼎孫字伯鎮江陵人第進士祥興時官翰林學士崖  
山師覆鼎孫驅家屬并輜重沉海不死被執榜掠無完  
膚一夕得脫卒蹈海死

賈純孝妻年氏女

賈純孝潼川懷安軍人祖子坤為西和通判死難純孝  
與兄昌忠全登咸淳七年進士第純孝揚州教授受知

忠也前  
中上坤伯

帥李庭芝調江淮總幕北兵下江南二王在福州以史  
館檢閱召辭會丞相文天祥辟佐其幕尋授秘書丞擢  
吏部郎中丁母憂起復為右司轉朝散郎厓山師敗純  
孝抱二女偕妻年同蹈海死

謝枋得

謝枋得字君直信州弋陽人也為人豪爽每觀書五行  
俱下一覽終身不忘性好直言一與人論古今治亂國  
家事必掀髯抵几跳躍自奮以忠義自任徐霖稱其如  
驚鶴摩霄不可籠繫寶祐中舉進士對策極攻丞相董  
槐與宦官董宋臣意擢高第矣及奏名中乙科除撫州



司戶參軍即棄去。明年復出試教官。中兼經科。除教授。建寧府。未上。吳璿宣撫江東西。辟差幹辦公事。團結民兵。以饒信撫科降錢糧米以給之。枋得說鄧傳二姓諸大家得民兵萬餘人。守信州。暨兵退。朝廷覈諸軍費。幾至不免。五年。彗星出東方。枋得考試建康。擢似道政事。為問曰。言兵必至。國必亡。漕使陸景思銜之上。其藁於似道。坐居鄉不法。起兵時。冒破科降錢。且訛誘。追兩官。謫居興國軍。咸淳三年。赦放歸。德祐元年。呂文煥尊大元兵東下。鄂黃蘄安慶九江。凡其親友。却曲皆誘下之。遂屯建康。枋得與呂師夔善。乃應詔上書。以一族保

師夔可信。乞分沿江諸屯兵。以之為鎮。無使使之行成。且願身至江州。見文煥與議徙之。使以沿江察訪使行會文煥北歸。不及而反。以江東提刑江西招諭使。知信州。明年正月。師夔與武萬戶分定江東地。枋得以兵逆之。使前鋒呼曰。謝提刑來。呂軍馳至。射之。矢及馬前。枋得走入安仁。調淮士張孝忠逆戰團湖坪。矢盡。孝忠揮雙刀。擊殺百餘人。前軍稍却。後軍繞出。孝忠後眾驚潰。孝忠中流矢死。馬奔歸。枋得坐敵樓見之。曰。馬歸。孝忠敗矣。遂奔信州。師夔下安仁。進攻信州。不守。枋得乃變姓名入建康。唐石山。轉茶坂。寓逆旅中。日麻衣躡屨。東

御而哭人不識之以為被病也。已而去。賈卜建陽市中  
有來卜者。惟取米履而已。妾以錢。率謝不取。其後人稍  
識之多。延至其家。使為弟子論學。天下既定。遂居閩  
中。至元二十三年。集賢學士程文海薦宗臣二十二。人  
以枋得為首。辭不起。又明年。行省丞相忙兀台將旨詔  
之。執手相勉勞。枋得曰。上有堯舜。下有巢由。枋得名姓  
不祥。不敢赴詔。丞相義之不強也。二十五年。福建行省  
參政管如得將旨如江南。求人材。尚書留夢炎以枋得  
薦。枋得遺書夢炎曰。江南無人材。求一瑕。呂師孟。程嬰  
杵臼。廝養卒。不可得也。紂之亡也。以八百國之精兵。而  
不敢抗二子之正論。武王太公。凜、無所容。急以興滅  
繼絕。謝天下。殷之後。遂與周並立。使三監。淮夷不叛。武  
庚必不死。殷命必不黜。夫真之待二帝。亦慘矣。而我  
宋今年遣使祈請。明年遣使問安。王倫一市井無賴。狎  
邪小人。謂梓宮可還。太后可歸。終則二事皆符其言。今  
一王倫且無之。則江南無人材可見也。今吾年六十餘  
矣。所欠一死耳。豈復有它志哉。終不行。郭少師從瀛國  
公入朝。既而南歸。與枋得道時事。曰。大元本無意江南  
屢遣使使頓兵。令母深入待還。歲幣即議和。無枉害生  
靈也。張宴然上書乞歛兵。從和。上即可之。兵交二年。無

一介行李之事乃挈數百年宗社而降因相與痛哭福  
建行省參政魏天祐見守方以求才為急乞身歸

宋史忠義列傳

王復字子復國子監判官建炎三年有人自燕京來言六國圍州  
復與同守城辛卯年九月城陷復與守城者不立謂  
壯守曰死守者我也監即而後無動焉復教我而舍使走下以壯守  
欲降復慢罵本死國門下口皆被殺心始恨復守城者  
皆從之於歷年之滬北所 在劇楚州守正直官甘守年人

終不食而死

宋季忠義錄卷六終

宋季忠義錄卷七

四明萬斯同輯  
江南通志

夏椅安慶通判元兵至境知府范文虎以城降椅乃飲  
藥卒衣襟中有遺筆云朕當其劇死逢其否負吾君親

此妻录江西通志夏椅傳

見逝當死而死五十六年歸其天理

走身初

趙與糖德祐元年知寧國縣己亥元伯顏拘寧國與糖  
率眾城守出戰死之詔贈直文華閣吏楊義忠六戰死

見恭帝本紀

王復王倚楊彭年鄭襄

按宋史忠義列傳王復死於左建炎三年為金人攻徐  
而死不應之宋季忠義列傳

一介行李之事乃挈數百年宗社而降因相與痛哭福  
建行省參政魏天祐見時方以求材為急欲薦枋得為  
功使其友趙孟卸來言枋得罵曰天祐仕閩無毫髮推  
廣德意反起銀冶病民顧以我輩飾好邪及見天祐又  
傲岸不為禮與之言坐而不對天祐怒強之而北枋得  
即日食菜果二十六年四月至京師問謝太后攢所及  
瀛國所在再拜慟哭已而病遷憫忠寺見壁間曹娥碑  
泣曰小女子猶耳吾豈不汝若哉留夢炎使醫持藥雜  
米飲進之枋得怒曰吾欲死汝乃欲生我耶棄之于地  
終不食而死

宋季忠義錄卷六終

宋季忠義錄卷七

四明萬斯同輯  
江南通志

夏椅安慶通判元兵至境知府范文虎以城降椅乃飲  
藥卒衣襟中有遺筆云朕當其劇死逢其否負吾君親  
方寸亂矣命無所逃當死而死五十六年歸其天理

趙與糖 楊義忠

趙與糖德祐元年知寧國縣己亥元伯顏徇寧國與糖  
率眾城守出戰死之詔贈直文華閣史楊義忠六戰死

見恭帝本紀

王復 王倚 楊鈞 郭襄

王復知徐州北軍圍城與子倚戮力戰守久之外援不  
至城陷媢罵求死闔門百口皆遇害其帳下趙立已奪

敵

趙時

事係宋史忠義三誌立傳建炎三年金人攻徐王  
復拒守命立誓戰中六矢戰益厲復壯其勇城陷後  
與其家皆死猶子伯先去州教授鄧襄亦置敵而死  
王復有傳均州立傳是復死歎非宋季也與英元  
信例不符官州今取宋史傳補之姑仍其舊

謚壯節時教授

下先驅擁東門時踐與繆寔起計事官署中夜歎曰事  
勢如此惟有死耳寔起曰如家何時踐曰皮之不存毛  
將安附黎明指前溪曰吾已與家人訣懷石是中矣因  
登縣樓搥鼓與敵遇敵入勢盛與妻子僕妾九人赴溪  
潭死

王汝翼 孟唐老

王汝翼廣德知縣元兵入境汝翼死之恭帝本紀德祐  
入廣德縣知縣王汝翼與寓居趙時晦率義兵戰鬥山  
畧分孟唐老與其二子俱死汝翼被執至建康死之事  
閩唐老贈三官  
汝翼贈朝奉郎

下皆相連也

門出又潛入求復屍掩之奏立忠烈廟謚壯節時教授  
鄭褒巡檢楊彭年亦死之

趙時踐

趙時踐宋末為廣德軍司戶叅軍攝建平縣事元兵南  
下先驅擁東門時踐與繆寔起計事官署中夜歎曰事  
勢如此惟有死耳寔起曰如家何時踐曰皮之不存毛  
將安附黎明指前溪曰吾已與家人訣懷石是中矣因  
登縣樓搥鼓與敵遇敵入勢盛與妻子僕妾九人赴溪  
潭死

王汝翼

孟唐老

王汝翼廣德知縣元兵入境汝翼死之恭帝本紀德祐  
元年四月元兵入廣德縣知縣王汝翼與寓居趙時晦率義兵戰鬥山  
畧分孟唐老與其二子俱死汝翼被執至建康死之事  
閩唐老贈三官  
汝翼贈朝奉郎

下皆相連字

周真

江南道志

周真字子繼旌德人咸淳中奉文丞相劄授本縣尉元兵壓境力戰死之

張孝忠

張孝忠淮人德祐初呂文煥尊元兵東下呂師夔與武萬戶分定江東地知信州謝枋得走入安仁調孝忠逆戰圍湖坪矢盡揮雙刀擊殺百餘人前軍稍却後繞出孝忠後軍驚潰孝忠中流矢死

張德興

張德興淮人端宗景炎二年與淮西野人原寨劉源等

起兵與復司空山民傅高起兵應之遂復黃州壽昌戰  
于樊口殺元將鄭昂未幾元襲破司空山復陷壽昌  
興死之宋史二王傳載至元十四年五月淮民張德興  
壽昌昌軍丁巳遇宣慰鄭鼎戰樊口鼎墜水死八  
月巳郊大軍破司空山德興兵敗走與此可相證

清溪二生 書 已卯歲

清溪二生貴池人德祐元年元兵陷城通判趙昂發死  
之時府亦有二生撫昂發屍而哭旋跳入弄水亭下而  
死二生姓名不傳

夏倚

江西通志

亦在上篇通志夏倚傳下

興人補太學生會朝廷起復史嵩之率

興人補太學生會朝廷起復史嵩之率

夏倚安慶通判之兵其地亦有危文虎以城降格乃飲其  
卒不祥中石史通等方戰其劇死各其及其君親  
身才孔矣命色所逃者死而死之三年歸其理以南通志

章如旦

章如旦字希周餘干人咸淳進士起家東陽主簿至撫  
州僉判元兵圍襄陽得江萬里書言呂文煥降泣不食  
三日與安仁陳陽見提刑謝枋得會枋得與張練帥議



起兵吳復司空山民傅高起兵應之遂復黃州壽昌戰  
于樊口殺元將鄭昂未幾元襲破司空山復陷壽昌  
興死之宋史二王傳載至元十四年五月淮民張德興起兵殺太湖縣丞王德顯據司空山攻下黃州  
壽昌軍丁巳遇宣慰鄭鼎戰樊口鼎墜水死八月  
月已卯大軍破司空山德興兵敗走與此可相證

清溪二生考也卯亥

清溪二生貴池人德祐元年元兵陷城通判趙昂發死  
之時府奉有二生撫昂發屍而哭旋跳入弄水亭下而  
死二生姓名不傳

夏椅

江西通志

夏椅字景實德興人補太孛生會朝廷起復史嵩之率  
同舍生上書爭之不報登進士授安慶教授迂知鉛山  
書視民如傷四字于座右歲飢救荒有奇政既解去謝  
疊山作清廉引以紀其績迂安慶通判元兵至郡守范  
文虎降椅思勢不能支遂飲藥死事聞贈直秘閣見本紀

章如旦

章如旦字希周餘干人咸淳進士起家東陽主簿至撫  
州僉判元兵圍襄陽得江萬里書言呂文煥降泣不食  
三日與安仁陳陽見提刑謝枋得會枋得與張練帥議

勤王帥大喜因與至弋陽入朱神廟卜如旦曰今國家  
大勢如此又何疑哉為臣子者盡忠孝而已枋得頽陽  
曰壯哉章希周也德祐中元兵圍饒州枋得集兵安仁  
如旦起真迎之既而饒州降餘干亦降元兵攻安仁至  
圍湖<sup>張</sup>孝忠戰死如旦萬全敗走尋死之

齊興隆

齊興隆字昨翁德興人景定間進士官蒲圻令值元兵  
下江南興隆義不食粟佩印綬以歸曰全吾印以還吾  
君全吾身以還吾親遂溺死

熊襄

熊襄字贊國新昌人以祖仔觀察使廕初調無為簿再  
調湘潭司法以正真<sup>直</sup>忤上官拂衣歸以郊息授迪功郎  
監潭州糧料院秩滿家居結義兵以保鄉井劇盜不敢  
近乙亥邑人姚文龍自九江引兵先圍鄉郡而遣其弟  
諭降襄殺之次年兵至衆潰見執文龍詰之誓曰去年我  
殺卿弟今年卿殺我丈夫何恨之有遂死

鍾克俊

鍾克俊龍南人宋末以太孛生家居聞三宮北遷<sup>遷</sup>糾集  
義旅為勤王之奔知勢不可為走登贛之馬祖岩遙望  
中原悲歌激烈已而痛憤益深賦詩一章有自許有身

埋。漢土終憐無泪。爰秦庭之句。遂投龍頭江而死。

見宋文憲鍾府君墓碣銘

### 李長庚

李長庚字子西，新昌人。初任清江尉，再調湘潭丞。元兵至，同寅皆遁，獨長庚携諸司印居守，被執不屈，死之。士友葬於<sup>學</sup>吝地，并為文表其阡。

李梓發唐仁黃賢張伯子劉淵子張南仲湯清史李申英

李梓發字材甫，上猶人。德祐元年，以世族奉為南安三縣巡檢。次年冬，元丞相塔出及呂師夔統兵圍上猶，敵歲猶不解去。梓發隨邑令李申英及邑中諸義士唐仁劉淵子輩堅守不懈。塔出親臨門，城上弓砲齊發，元兵

死者數千人。元人曰：此城雖小，人心堅乃爾耶！即徙

案

水南，遂解去。人皆壯之。文丞相表梓發為團練使，督府

諮議收之幕下。少選申英請梓發往來南贛之間，首戰

守計踰二年，為祥興。已卯三月，元叅政賈居貞復引兵

數萬來至城下。梓發與邑令及邑諸義士誓眾，城守益

堅。士益憤，時文丞相兵在嶺外，敗績，行朝於桂山。七邑

子黃桂後知之道自外歸，為呂卒所獲，令齎榜入城招

降。且傳崖山之難。梓發大怒，謂妖言惑眾，戮桂後，無何

城陷。既破，梓發猶率眾巷戰，力至盡，猶歸家，刺血釀酒

別祠寢，與子姓四十七人皆自焚。同時有唐仁黃賢張

伯子劉淵子張南仲陽清叟忠義壯烈及邑令申巽皆  
遇害李梓發見  
宋帝本紀

趙時脩

趙時脩字讓甫奉新人宗室子也以詞賦登開慶進士  
授興國軍大治尉郡守趙宗國屬時脩築郡城帥閩責  
以織緘節搆其罪朝議以為枉特授廣東連山尉受經畧  
司檄平潮州寺處蠻寇有功辟南海尉就知本郡祥興  
元年崖山行朝潰與幼主同沉于海

羅一理羅起潛

羅一理字循叟進賢人咸淳鄉奉謝枋得為江西招諭

使奉兵為宋恢復一理偕弟起潛赴義被擒不屈皆腰  
斬起潛臨刑願謂一理曰今日得死肝矣既沒面皆如  
生

徐子中

徐子中字益之豐城人子端之弟繇承務郎監黃花鎮  
德祐初元兵陷當塗子中圍門死之

胡敬方

胡敬方分寧人任臨江路食判元兵至率眾死守屢拒  
戰誘之不肯降及城破元將張弘範執至瑞州擁橋不  
屈而死

曾如驥

曾如驥字德稱泰和人淳祐間進士寶慶通判值太守去官長沙失守且聞臨安迎附人情洶々公呼弟如駿曰吾起書生官省郎從二千石後今攝郡事誓與此城俱矣雖然不可以絕先人祀汝亟歸弟泣別去遂取考功印紙題其上曰謹將節義二字結果印紙一宗了却神遊何處澄江明月清風復書舍生取義章粘置齋壁登于城赴濱江自沉死數日得屍葬太平寺北將義之退兵三十里景炎初贈敷文閣待制謚忠愍

如驥見茶

易相

易相廬陵人官直學士安撫使從勤王復吉贛駐師廬陵旬日間敗于方固石下死之

謝徽明子

謝徽明枋滄伯父也以特奏恩為當陽尉攝縣事時天基節上壽元兵奄至徽明出戰死二子趨進抱父屍亦死

韓光國

韓光國字用賓景定進士授潭州錄事元兵下江南頓師堅守不下凡閱月城陷死之

顏希孔

顏希孔彭澤人為本縣簿宋末元師南下取安慶江州

希孔率民兵八百人大聚舟楫各載石萬計戰于江中  
飛石四擊敵舟我敗已而石盡力屈被害民為葬其骨  
于鳳凰山麓今山有廢塚在焉

吳泳

吳泳字克東崇仁人易諫從弟深於易李初奉州解額  
每科止錄易義一人自景定甲子至咸淳癸酉泳連三  
奉乙亥革命北兵至其家泳不屈兵以刃加其頸泳大  
罵武勸以巽詞求免泳曰吾領三奉死則死耳何巽之  
有遂遇害

李天勇

李天勇字致弘臨川人嘗從謝枋得李為人尚忠義遇  
鄉里有急難輒纓冠往救德祐元年元將武良弼攻饒  
州枋得檄天勇援之統強壯無行至饒與良弼大戰于  
樂湖坪衆寡不敵俱張孝忠俱死

劉欽 鞠華叔 顏斯立 顏起岩

江西通志

劉欽 吉水人 時鄒灝以詔諭副使 聚兵寧都 元兵攻之

灝兵敗 欽與其同邑鞠華叔 顏斯立 顏起岩 皆死

吳希奭

吳希奭 安福人 從文丞相起兵 空坑之敗 希奭被獲 一

門二十口俱死

劉伯文

劉伯文 吉水人 從文丞相勤王 兵敗而歸 見鄉國淪陷

居常憤悒 景炎二年 同督府駐興國 伯文詣府受文書

結約遠近 巡兵執而搜其行李 得同督府文書甚多 斬

于表市

張雲

張雲、廬陵人。時為敢勇將。從勸王。文丞相既執。雲引兵歸。值吉城已降。雲不勝憤。乃謀興復。引所部夜襲上營。前殺北軍數百人。北軍不測其衆寡。與戰于南柵門外。雲衆奔砲。而北軍援至。雲表裏受敵。溺死。

彭呂

彭呂、泰和人。為濂溪書院教諭。元兵陷虔。呂不屈。入廣。從文丞相赴難死。

胡文可

胡文可、泰和人。懷奇負氣。能騎射。文丞相起兵海上。文可罄家招義勇。從之。及丞相敗。文可亦被執。間脫得歸。沒集兵。赴難而死。

胡文靜

胡文靜、泰和人。先授提督。時無敢拒北兵者。拒即屠。而泰和已下。乃招致文靜。不屈。曰：「仍死不負趙氏。」竟死之。而一家被屠。

錢淵龍

錢淵龍 錢應龍 錢

錢淵龍、吉水人。與弟翔龍、應龍死。鍾步、張瑛、張珩、吉水人。亦以從丞相兵死。



趙孟滌

趙孟滌宋室宗與文丞相全起兵為都督府諮議官景炎元年十月丞相命孟滌與趙時賞將兵取寧都克之明年正月丞相移師漳州兩人皆往會五月丞相出江西入會昌六月入吳國七月遣兩人及張怵盛兵薄贛城不克已而元兵突至偕丞相走永豐元兵窮追至空

坑官軍戰敗孟滌死之

元世祖本紀至元十四年十一月樞密院臣言宋文天祥與其徒趙孟滌全起兵行者發兵攻之殺孟滌天祥僅以身免詔以其妻孥赴京師

王貴行

王貴行蜀人咸淳間丞德興時元兵掠饒郡倖常福以城降屬邑皆望風款附獨貴行不屈曰吾幼奉壯行惟忠與孝竟赴水死

鮑廉

鮑廉德祐初知臨江軍元將伯顏下九江分道三道南伐知隆興事棄城遁元兵乘勢攻臨江或勸之去廉歎曰城存與存城亡與亡賊也可遁乎力不支被執死之

趙孟濟

趙孟濟字君用宋宗室寓清江擢咸淳乙丑第待次潮

陽法曹德祐乙亥郡檄攝元僚俾衛鄉社里有橫卒縱  
火欲倡亂乃捐擯撲滅疏其罪於郡而裒之一軍稱快  
城危事急守碎奔竄遂與總統丁應明閉譙門登樓推  
鼓以張虛聲兵竟越境而去未幾湖北潰軍與廣西勤  
王軍城南相持居民驚避乃慨然入陣撫諭兩軍感泣  
和解籍其部伍幫遣之置司以衛城功聞于朝擢清江  
令居官介特豪猾屏息冬隣郡不守太守以下皆遁令  
獨留護印明年正月滕守回二月兵臨城守沒遁濟留  
不去死之

王彥明

湖廣通志

王彥明宋末守蘄州元兵至力戰糧乏不屈率家屬乘  
大舡於城西中流鑿舡沉水而卒人為立廟祀之

施子仁

施子仁知浚州時元兵攻襄陽隨守張壽荊門守朱  
揚祖郢守喬士安皆委郡去固子仁固守城陷死之

王在

王在武陵人理宗端平初進士治周禮真德秀知貢奉  
擢冠本經攝判施州城陷死之

黨仲昇

黨仲昇漢川人宋末與同邑趙觀許尚保守南河戰敗  
中流矢死贈修武

張鏜

張鏜魏公浚之後益王即位於兩詔天下勤王鏜起兵  
衡山得民兵數千文天祥督兵出梅嶺相與接應兵敗  
被執元泰政崔斌欲降之鏜瞋目曰今日降何以見魏  
公於地下今述起兵始末鏜奮筆斥罵千百言斌怒殺  
之

陳億孫

陳億孫安仁人咸淳中進士除湖南安撫使叅議德祐

丙子元兵圍潭億孫以幕僚從李芾拒守棄城死閩元  
七月城陷不屈死明成化間提李薛綱為立忠節祠于

安仁縣

見恭帝本紀

韓明

四川道志

韓明開州守將元兵破開州軍潰散明父子猶率部兵  
巷戰力屈被執死之

侯興

侯興為都統德祐元年元兵攻嘉定九頂山興死之事

聞贈復州團練副使

見恭帝本紀

本紀

陳龍復

江西道志

陳龍復字本叔南安人與文天祥同奉進士歷仕州縣有聲德祐初退居家食至天祥軍南劍時始辟為督府叅議兼行太府少卿福建提刑是時天祥幕下多名士龍復獨以持重老成見推儔輩天祥每咨問焉後奉檄如潭潮計事再會天祥於循梅尋分司潮陽號召諸路豪傑翕然嚮應天祥由是得入潮為討賊之本至則糧糗已具鄉兵多練習水戰天祥賴之未幾移屯海豐龍復又從至五坡為虜騎追及遇害時年七十有三

元史阿里海涯傳宋二王稱制海中雷瓊全永與潭州羅縣之民文才喻周隆張羅飛咸起兵應之舒黃蘄相繼亦起大者衆數萬小者不下數千詔命討之且略地海外阿里海涯既定才喻等至雷州使人諭瓊州安撫趙與珞降不聽遂自航大海五百里抵與珞再安國黃之紀皆磔殺之盡定瓊南之地

黃俊

廣東通志

黃俊南海人沉重有謀宋末為摧鋒軍將性剛毅不能隨時俯仰見上官指畫兵事語灑連不少休每所主持堅不肯回由是知名每自說曰鉄骨稜々吾豈凡子耶會當為國家作羅虎臣耳德祐二年元兵陷臨安廣東徑略使徐直諒遣人赴隆興納款元首阿里海牙呂師

夔亦來徇廣州未幾益王即位直諒乃遣權提刑郡人李性道領摧鋒軍及水軍往拒元所遣將黃世雄等俊忠憤每曰奇男子當斬賊取侯王勿懾賊作兒女憐韓世忠岳武穆吾等儕也至石門遙望賊騎擁山寨川性道大恐俊進曰俊觀賊衆部伍未整分兵為兩翼登塗逸其後擊之可以得志性道不從穢舟岸泝不戰既而賊結陣行列鼓躁而前俊奮身大呼率衆迎敵力戰實等退縮不為之援遂敗潰奔還直諒聞之宵遁元黃世雄等遂陷廣州授性道實賢官俊拒不受實賢等謀害俊遂死之

見端宗本紀

馬南寶

馬南寶，香山人。世殷富，讀書好義，尤工於詩。景炎二年十月，端宗自潮州之淺灣航海避賊，過邑，南寶獻粟千石供軍。端宗下詔獎之，召拜權工部侍郎。十一月，丞相陳宜中、少傅兼樞密副使張世傑殿前指揮使蘇劉義奉帝幸沙衝，暫宮于南寶家。南寶竭力保衛，帝躬居數日。元兵陷廣州，諸將召募潮居里民數百以行。南寶謂諸將曰：「功成之日，當以奉迎孝恭懿聖皇帝為先。」因飲諸將酒，曰：「痛飲黃龍府，在此行也。」遂歌岳武穆直搗長驅之句，以相風勵。慷慨激烈，聞者莫不壯之。張世傑奉

帝舟退保秀山，帝次于井澳。丙子，颶風大作，舟敗，幾溺。帝遂得心悸疾，旬餘，諸兵士稍集。宜中欲奉帝走占城，不果，遂遁去。南寶聞之，慟哭曰：「丞相必不返，國事去矣。」後果然。景炎三年春，都統凌震復廣州，南寶賦詩志喜。時帝舟次于化之碇洲，病大作。四月，帝崩于碇洲。衛王昺即位，走厓山。張世傑從之，而曾淵子克山陵在厓山也。宋亡，悲憤不食。元人籍仕宋者，南寶避匿，不以姓名降。嘗作詩，有「目擊厓門天地改，寸心難與夜潮消」又曰：「衆星耿耿滄溟底，恨不同歸一寸微。」聞之已而元兵欲屠潮居里人，為南寶危。而南寶恬不為動。後聞

陳宜中奉帝昺猶在占城元主忽必烈下令捕之於是  
前招討使黎德梁起萃與南寶起兵運糧往迎車駕元  
萬戶王守信諭起萃歸降起萃奔還德覘其有貳心帥  
眾致討與戰大敗南寶被執不屈死之

### 伍隆起

伍隆起新會人高大父珉高宗朝為嶺南第十三將守  
南恩州卒于官子朝凱因家文章里生子之才仕陽春  
尉之才生天麟授龍井場提幹天麟生隆起帝昺舟至  
厓隆起以世<sup>仕</sup>宋也知死忠於是聚米七千石率眾捍衛  
時元將張弘範攻陷廣州隆起死戰累日為其下謝文

子斬首以降丞相陸秀夫哀之刻首以英文迺山後生  
募得文子戮以祭墓云論者謂隆起~~夫~~匹夫遂能憤不  
顧身亦晚世奇節士哉

### 熊飛

熊飛東莞人有武略善騎射宋末勤王聞文天祥師出  
江西率兵往隸麾下德祐丙子兵潰元將黃世雄欲脅  
之降飛陽為世雄守惠潮二州世雄疑之謀殺飛以  
舟師遁還東莞趙必瑑以義語之飛即改豎宋旗號聞  
益王即位以兵應制置使趙潛世雄怒遣其將姚文虎  
追之至邑境榴花村飛盡殺之世雄師退飛即會潛復

韶州時新會令曾龍逢亦率兵與飛會入廣州執降元通判李性道數其罪而囚之沒性道家焚其居遂復廣州時景炎改元之六月也元將呂師夔張榮實入梅嶺十月潛遣飛與逢龍禦之尋使將校刘自立守韶州逢龍戰死于南雄飛退保韶州師夔榮實復圍韶州飛守城力戰未幾自立降飛巷戰敗績死之見端宗本紀

曾逢龍

廣東通志

曾逢龍贛州寧都人登慶進士咸淳末為新會令政務化民有古循良風每以節槩自許景炎元年六月元首呂師夔遣其將黃世雄寇廣州經畧使徐直諒遣李性道拒之性道降受其官爵秋九月連韶諸郡俱降制置使潛乃奉逢龍判韶州將兵禦之時東莞民熊飛復廣州四雄遁去會逢龍引兵至性道迎謁因執斬之端宗在閩下詔褒其功師夔後大奔入寇逢龍帥師拒守南雄力戰師潰乃正衣冠自縊而死事聞詔贈龍圖閣

李士

見端宗本紀



藍通判

藍通判史夫其名景炎二年倅惠州元兵至城下眾皆束手詣降獨藍帥民兵數百拒之力戰而死

丘必明

丘必明保昌人宋咸淳辛未進士累官韶州僉判德祐丙子元兵逼梅岡時東莞勇士熊飛領兵與元師戰敗還韶元師攻城：陷必明被執不屈元帥殺之白血飛流韶人哀其忠節立祠祀之

蔡蒙吉

蔡蒙吉程鄉人生而穎異八歲能頌五經十二應童子

進士授韶州司戶兼司法值元亂楊執中擢權梅州總督德祐二年元招討使易正陷梅州蒙吉被執使其下陳一元守之因罵曰吾死國爾寧事胡奴耶暴其屍三日顏色如生一元異而瘞之明年三月文天祥復梅州始具棺殮還葬于鄉

馬發

馬發海陽人勅舉景炎二年春正月元兵破汀岡發時知潮州與循州劉興梅州錢滌之皆降發後獨遁歸五月張世傑將兵渡潮安撫使方興來撫諭時發為推鋒寨將承命攝州事稱安撫使十月元將峻都陷興化先

鋒至潮陽遣使諭降發嬰城固守元兵至與戰却之三年二月海陽賊陳懿導唆都及蒙古反圍城發兵戒備守南門巡檢黃虎子與陳懿通開門納元兵鼓譟突入城遂陷發收殘卒百餘人入保子城力不支令妻子縊死發自鴆時三月一日也見本紀端宗

張烈良

廣東通志

張烈良宋末為湖南制置使與提刑劉應龍起兵崖山為元將阿里海涯所破烈良奔家及餘兵奔思州烏羅洞元兵襲之俱戰死元世祖本紀至元十五年七月湖隆賀十二起兵行省調兵往討獲周隆賀十二斬之烈良等奔家及餘兵奔思州烏羅洞為官軍所襲二人皆

戰死與此相符

高桂

高桂建康人從幼主泛海為樞密使與張世傑經營戎務崖山兵敗隨帝赴海死

趙樵

趙樵從幼主至閩廣歷官吏部侍郎及崖山師覆赴海而死

茅湘

茅湘潤州人從端宗入閩又入廣歷官兵部侍郎崖山師敗丞相陸秀夫抱帝赴海湘從之一時文武及眷屬

殉難者甚衆咸失其名

劉定國

劉定國字靖菴金陵人也少失怙恃<sub>笑</sub>襁褓中哀痛迫切稍有知輒撫墓太息雖蔬食菜羹未薦不嘗燕飲歌舞未告不赴及十齡孝聲著于里用郡長奇之奉之庠序授以詩書益加奮<sub>奉</sub>嘗語人曰士生斯世從不能出為忠臣亦當入為孝子心同日月身任綱維斯無愧耳<sub>喃</sub>嗚呼何為哉及年十六成寶祐四年進士以年少未就官理宗之末出知中都端宗時入為太子賓客南渡屋門奉命<sub>往</sub>惠州及<sub>難</sub>之屋而寶衣雲結玉璫西沉矣定國衣冠北面題詩于石上曰君既憂臣當辱君既死臣何復赴江流<sub>英</sub>魚腹名不傳心亦足報君恩仰天哭遂赴江流而逝

謝明謝富由安國黃之傑

謝明瓊山人宋末與謝富再安國黃之傑起義勤王從安撫趙與珞拒元人於白沙口力戰不利被執皆不屈而死<sub>留</sub>守瓊州<sub>史</sub>二王傳載至元十五年七月趙與珞率兵拒執<sub>于</sub>白沙口<sub>降</sub>與<sub>此</sub>可<sub>互</sub>證

夏師堯

夏師堯字達德休寧人咸淳進士授諫議郎嘗忤權璫

被謫後陞翰林奉士扈從祥興歿於難

羅開禮

吉安府志

羅開禮永豐人起兵復永豐縣已而兵敗被執死於獄  
丞相開禮死製服哭之哀

鍾寅

鍾寅廬陵人從文丞相起兵空坑之敗與趙時賞等俱  
被執不屈死

宋季忠義錄卷七終

